

ԼՂՈՏ  
ՆԵՐՄԻՍՅԸՆ

ՄՊԱՆԻՅԱՆ ՂՆՔԻՄ-ՂՆԾՆ  
ԿԶԽՆՈՐ ԵՍԽԻԳԵ





# ԳԵՎՈՐԳ ՉԱՌԻՇԻ ՍՊԱՆՈՒԹՅԱՆ ԱՌԵՂԾՎԱԾԸ

Յեղիսակ՝ Ա. Ա. Ներսիսյան

Խմբագիր՝ Գ. Գ. Դալլաքյան

Վերստուգող սրբագրիչ՝ Կ. Ա. Տոնոյան





Պատմաբան Աշոտ Ներսիսյանի «Գևորգ Չաուչի սպանության առեղծվածը» գիրքը հրատարակվել է 1992 թվականին, Երևանում, «Հայաստան» հրատարակչության կողմից, 30,000 օրինակով:

Գրքի այս էլեկտրոնային հրապարակումը, մեր կողմից կցված հավելյալ տվյալներով, և մի փորձ է հանրության սեփականությունը դարձնելու այս կարևոր նյութը, նկատի ունենալով, որ, դժբախտաբար, շարունակվում են բազմիցս հերքված Գևորգ Չաուչի մահվան շուրջ պտտվող ավելի քան 100 տարեկան շահարկումները: Դրանք այլևայլ առիթներով օգտագործվում են Հայաստանի Ա. Հանրապետությունը կերտած գործիչների՝ մասնավորաբար Ռուբենի (Մինաս Տեր Մինասյան) և իր միջոցով Հայաստանի պետականության վերակերտման մեջ մեծագույն ներդրումը ունեցած ուժի՝ Հայ Յեղափոխական Դաշնակցության անունը սևացնելու գործունեության շրջանակներում:

Գիրքը վերահրապարակում ենք նույնությամբ:



## ԱՌԱՋԱԲԱՆ

Գոյութիւնն ունի հայ ազգային-ազատագրական շարժման պատմութեան ըմբռնման բոլոր ճանապարհները փակելու բավական ստույգ երկու եղանակ. Առաջինը՝ նրան անզսպելի ներբողներ կարդալն է, երկրորդը՝ ամբողջովին այն ժխտելը: Առաջին դեպքում հետազոտողի հայացքից վրիպում են շարժման ինչպես վերջնական խնդիրներն ու կոնկրետ արդյունքները, այնպես էլ նրա ներսում տեղի ունեցող խորքային գործընթացները, որոնք հաճախ ունենում են չափազանց հակասական բնույթ և շարժումը հանգեցնում են ողբերգական ճգնաժամերի: Երկրորդ դեպքում հետազոտողը համակարգչի սառնասիրտ հայացքով գննում է շարժման ամբողջ հերոսականութիւնն ու զոհողութիւնը և, հաշվապահի նման, իր համրիչի վրա հաշվում է նրա միայն վերջնական արդյունքը, մոռանալով, որ ամեն մի շարժում էլ ոչ միայն արդյունք է, այլև մի գործընթաց, որի ընփացքում առնականանում ու ամրապնդվում է ազգի ոգին, ինչն արդեն ինքնին հայկական նվաճում է:

Ժամանակակից հայ պատմագիտութեան առաջնահերթ խնդիրն է՝ ստեղծել անաչառ ուսումնասիրութիւններ, որոնք ազատ կլինեն այդ երկու մեծ սխալից:

Նման կարգի առաջին փորձը Աշոտ Ներսիսյանի ներկայացրած աշխատութիւնն է:

Իր ծավալով բավական փոքրիկ գրքուկում հեղինակը հետազոտում է առասպելական հայդուկ Գևորգ Չաուչի մահվան պատճառներն ու հանգամանքները, որն առաջին հայացքից տեղային բնույթ ունի: Բայց գրքուկում բարձրացված հիմնահարցը մեծ սառցալեռան ընդամենը տեսանելի մասն

է: Իրականում գիտնականը բարձրացնում է նոր լուրջ հիմնահարցի մի ամբողջ շերտ, ինչը և կազմում է այդ սառցալեռան ստորջրյա մասը:

Խօսքը հայ հայդուկության տեսության ու պրակտիկայի XX դարի սկզբում սկսված հոգեվարքի մասին է: Գաղափարները, ինչպես և մարդիկ, իրենց զարգացման մեջ ունեն երեք հիմնական փուլեր. ծնունդ, հասունություն, մահ: XIX դարի վերջում առաջացած հայ հայդուկությունը այս առումով բացառություն չի եղել: Հայ հայդուկների հերոսական, անձնագոհ, բայց, ավաղ, անջատ-անջատ, առանց միասնական հստակ պլանի գործողությունները ժամանակի ընթացքում խոչընդոտ դարձան մեր ազգային-ազատագրական պայքարի հաջողության ճանապարհին:

Հայ հեղափոխականների շրջանում աստիճանաբար սկսել էր բյուրեղանալ պայքարի նոր այլընտրական ձևի՝ համընդհանուր ապստամբության գաղափարը, որի ջատագովներից էր ՀՀԴ-ից նոր սերնդի ականավոր ներկայացուցիչ Ռուբենը (Մ. Տեր Մինասյանը):

Գաղափարների պայքարն ունի ոչ միայն գաղափարաբարդական, այլ հսկայական չափով նաև հոգեբանական հրնչեղություն: Չէ որ ամեն մի գաղափարի հետևում կանգնած են կենդանի, կոնկրետ մարդիկ, և այլ մարդկանցից յուրաքանչյուրն ունի իր սեփական հոգեբանական նկարագիրը, աշխարհայացքը, բարոյականությունը: Գաղափարների ընդհարումը բացարձակ մակարդակում հանգեցնում է մեկի հաղթանակին և մյուսի պարտությունը, իսկ առօրյա մակարդակում՝ հաղթանակած գաղափարը կրողների վերելքին և պարտության կրած գաղափարը կրողների կենսական դրամային:

Հենց այդպես պետք է դիտել Ռուբեն-Չաուշ դիմակայությունը՝ նոր ազգային մտածողության և հնի, նոր հոգեբանության և հնի դիմակայությունը: Դա եղել է մեր շարժման մեջ եղած երկու սկզբունքի՝ բանական սկզբունքի և հուզական սկզբունքի պայքար: Հաղթանակել է բանականությունը:

Հայդուկության՝ որպես ազգային ազատագրության նվաճման ձևի ու միջոցի կործանումը միաժամանակ նշանավորում էր նաև հայդուկների կենսական անձնական ողբերգու-



Թյուն: Հպարտ գերմարդիկ, որոնց անունները դեռ նրանց կենդանություն ժամանակ փառաբանվում էին երգերում ու լեգենդներում, որոնք արդեն վաղուց իրենց գիտակցության մեջ մշակել էին մարտական գործելակերպի մեկ որոշակի ստերեոտիպ, պետք է վերակառուցվեին, հաղթահարեին իրենց սեփական եսը, սեփական փառքը և դառնային մի շարքային լծակ՝ նախապատրաստվող համընդհանուր ապստամբության բարդ մեխանիզմում: Հանուն ազգային շահերի անհատականը պետք է ժամանակավորապես տարրալուծվեր զանգվածայինի մեջ, քանզի այդ է համընդհանուր ապստամբության հաջողության գինը:

Հայրուկներից քչերը միայն կարողացան հաղթահարել հոգեբանական այդ անջրպետը: Այդ բանը չկարողացավ անել Գևորգ Չաուշը: Պայքարի նոր փուլում իր ենթադրյալ ավելորդությունից ցնցված, հերոսը հոգեբանականորեն խորապես ընճվեց: Նա կորցրեց կյանքի իմաստը՝ մարդու հոգեկան աշխարհի հիմքերի հիմքը: Ունայնացած հոգով, Չաուշը գիտակցաբար մահ էր փնտրում և, ի վերջո, գտավ այն: Քանզի գաղափարները միայնակ չեն մեռնում, նրանք իրենց հետ տանում են նաև իրենց առավել կրակոտ կողմնակիցներին: Չաուշի մահը նշանավորում էր հայ հայրուկության մահը:

Ընթերցողը կհարցնի՝ իսկ ի՞նչ եղավ սառցալեռան գագաթը՝ Չաուշի մահվան գաղտնիքը: Չէ որ կա մի վարկած, որը Ռուբեն-Չաուշ գաղափարահոգեբանական դիմակայությունը նենգափոխում է անձնական դիմակայությունը և բացահատորեն մեղադրում է Ռուբենին՝ Չաուշի մահվան համար:

Այս վարկածը սնանկ է, և դրա սնանկությունը փաստական հարուստ նյութի հիման վրա հիանալի տվել է սույն գրքուկի հեղինակը: Մեր կողմից կավելացնենք միայն հետևյալը. յուրաքանչյուր մեռնող գաղափար պարտադիր աշխատում է վրեժխնդիր լինել հաղթանակած գաղափարից: Այդ վրեժխնդրության ձևերը լինում են միանգամայն տարբեր, այդ թվում և հաղթանակող գաղափարը կրողներին վարկաբեկող առասպելների ձևով: Այդպես է ծնվել առասպելը Ռուբենի հանցավոր գործողության մասին:

Սակայն Ռուբենը եղել է գաղափարի մարդ, նրա գաղա-

փարական զինանոցում ընդդիմախոսի բռնի վերացման ծրագիր չի եղել: Ռուբենի մեղքը չէ, որ իր գաղափարների անվրեպ նետերը դիպան հերոսի վիթխարի, բայց և մանկականորեն պարզ ու անպաշտպան սրտին: Պատմությունը չի լինում առանց գաղափարների պայքարի, իսկ պայքարը՝ առանց ողբերգությունների: Այսպիսին են պատմական առաջադիմության օրենքները:

**ՌՌԻԲԵՆ ԽՈՒՐՇՈՒԴՅԱՆ**  
**Պատմական գիտությունների թեկնածու**

## ԳԵՎՈՐԳ ՉԱՌԻՇԻ ՍՊԱՆՈՒԹՅԱՆ ԱՌԵՂԾՎԱԾԸ

1906 թ. ամռանը Վանի Ջ. Ջ. Դաշնակցության պատասխանատու գործիչները մի անակնկալ նամակ ստացան: «Իմ հոգս չէ,- գրում էր հեղինակը,- այսօր կամ վաղը ես ևս պիտի սպանվեմ: Պարզ է ինձ համար, որ իմ վերջը եկած է, թեև, եթե ուզենամ ամենուն պես լքել ժողովուրդը և հեռանալ, ես ալ իբր հերոս երկար, շատ երկար տարիներ կրնամ ապրիլ: Ես հուսահատ եմ ամենքեն, բացի ձեզմե: Իմ խրնդրանքն է, որ անպայման մեկը ձեզմե ճամփեք այս երկիրը: Այդ ընկերը կամ կը հասնի իմ ողջությանը, կամ չի հասնի, այդ միևնույնն է: Ճամփեցեք մեկը, որ այս ժողովրդին գլուխն անցնի<sup>1</sup>»:

Նամակի հեղինակը Գևորգ Չաուշն էր, բայց ի՞նչն էր ստիպել նրան՝ գրելու այն: Այս հարցին պատասխանելու համար հարկ է փոքր-ինչ անդրադառնալ Սասունի 1904 թ. ինքնապաշտպանությունից հետո տիրող կացությանը:

Հայտնի է, որ Սասունում կովող հայրուկները 1904 թ. ամռանը, Անդրանիկի գլխավորությամբ, նահանջեցին դեպի Վան: Աղթամարի խորհրդակցությունը, որին ներկա էին Կոմսը (Վահան Փափազյան) և Իշխանը (Նիկոլ Պողոսյան), գտավ որ «...ժողովուրդը սրտապնդելու համար պետք է, որ ժողովուրդին սերն ու վստահությունը վայելող մեկը փոքր խմբով մը վերադառնա, նրան պետք է տրամադրել գումար մը և

1. Արամ-Ռուբեն- Հայ հեղափոխականի մը հիշատակները, հ. Բ (2), Լու-Անճեթ, 1952, էջ 388

ուղղամթերք, սակայն ամեն կերպ ընդհարումներե խուսա-  
փելու պայմանով»<sup>2</sup>:

Երկար լուսթյունից հետո Տարոն վերադառնալու ցանկու-  
թյուն է հայտնում Գևորգ Չաուշը: Նա 17 հոգուց բաղկացած  
խմբով, որի մեջ էր Կորյունը, նստելով նավ, ափ է իջնում  
Ախլաթի Կծվակ գյուղում, ուր գիշերը կովի բռնվելուց և Մո-  
կացի Ասատուրին զոհ տալուց հետո անցնում է Նեմրովթ,  
որտեղից էլ՝ Գրգուռով Տարոն<sup>3</sup>:

Կարծում ենք, որ Գևորգի Տարոն վերադառնալու որոշու-  
մը ճիշտ չէր: Այն պայմաններում, երբ Տարոնը նոր էր ապ-  
րել հարստահարությունների և ջարդերի սարսափները, ոչ  
մի անհրաժեշտություն չկար կրկին այնտեղ ուղարկելու Գևոր-  
գին, մի անձնավորություն, որն իր կյանքը չէր պատկերաց-  
նում առանց հայրուկային կոփվների: Անհրաժեշտ էր, թե-  
կուզ մի քիչ ուշացումով, Տարոն ուղարկել այնպիսի գոր-  
ծիչ, որը գործեր հայ ազգային-ազատագրական պայքարի  
անցած ուղու ճշմարիտ գնահատականով և անհրաժեշտ եզ-  
րակացություններով: Տարոնի Հ. Հ. Դաշնակցության գլխա-  
վոր դեմքն էր մնում Գևորգ Չաուշը, որը նույն Դաշնակցու-  
թյան կողմից 1904 թվականից հետո, առանց վաղաժամ մաս-  
նակի ընդհարումների, գաղտնորեն զինվելու և նախապտ-  
րաստվելու ուղին վերջնականապես որդեգրելու պայմաննե-  
րում, դառնում էր կործանման դատապարտված և ողբերգա-  
կան կերպար: Հիրավի, Տարոն էր վերադառնում երբեք ղե-  
կավար լինելու ձգտումներ չունեցող, փառատենչությունից  
զերծ, բայց իր կյանքն առանց կոփվների չպատկերացնող  
մի անձնավորություն և այն դեպքում, երբ որպես ազատու-  
թյան հասնելու միջոց Տարոնի ժողովրդի աչքում իրեն սպա-  
ռել էր հայրուկային պայքարը: Տվյալ իրավիճակում ան-  
հրաժեշտ էր Հրայրի (Արմենակ Ղազարյան) կազմակերպ-  
չական ընդունակություններն ունեցող մեկը, իսկ Գևորգը  
դրանցից հեռու էր: Նա կազմակերպչական աշխատանքներ  
տանում էր, սակայն կոփվների որոնումներով: Մինչդեռ

2. «Վեմ»- երկամսյա հանդես մշակույթի և պատմության, Փարիզ, 1935, էջ 62

3. Տես «Դրոշակ», N 7, հուլիս, 1905



**Նկ. 1. Գևորգ Չաուշ**

*մասնակի ընդհարումներից ժողովուրդը միշտ խուսափել էր, և այժմ էլ խուսափում էր Հ. Հ. Դաշնակցությունը:*

*Ահա այդ մասին իր հուշերում ինչ է գրում Արամ Մանուկյանը. «90-ական թթ. սկզբի տարիների ձեռնարկները, Սասունի ապստամբությունը, սուլթանի մահափորձը և այլն, այդ օրերին համարվում էին այլևս անբավարար մեր հարցի լուծման համար: Ավելին կար. պնդում էին, որ երկրի այս կամ այն ծայրում ասուպի պես երևացող այդ մասնակի ձեռնարկները փայլում, անցնում էին: Մի Սասուն, մի Զեյ-*

Թուն, մի Պոլիս զատ-զատ չպիտի շարժվեին, այլ բոլոր կա-  
րևոր քայլերը պիտի կազմակերպվեին, ուժ կենտրոնացնեին  
և ստեղծեին մի հսկա զանգվածային շարժում երկրի մի  
ծայրից մյուսը»<sup>4</sup>:

Ինչպես պարզ է այս մեջբերումից, Դաշնակցությունը  
վերջնականապես թեքվել էր դեպի համազգային ապստամ-  
բության կազմակերպման ուղղությունը, որը դեռևս 1895 թ.  
որդեգրել էր Հրայրը: Այս բոլորից ելնելով, չի կարելի չմե-  
ղադրել Կոմսին, որ վերոհիշյալ ըմբռնումն ունենալով, ար-  
գելք չի ծառայել Գևորգի՝ Տարոն վերադառնալու որոշմանը:  
Թեպետ, չպետք է մոռանալ նաև, որ սոսկ Կոմսի վերաբեր-  
մունքով չէ, որ դա պայմանավորված էր: Չէ որ հազիվ է հա-  
ջողվում չեղյալ համարել բոլոր հայդուկների կրկին Տարոն  
վերադառնալու որոշումը: Ինչ վերաբերում է Գևորգին, ապա  
Տարոն դառնալու վճիռն ընդունելով, նա մեկ անգամ ևս  
արտահայտում էր իր անմնացորդ սերն ու նվիրվածությունը  
ժողովրդին: Անասելի խիզախ նկարագրի տեր անձնավորու-  
թյունը միայն կհանդգներ նման համարձակ քայլ կատարել,  
քանզի, եթե հաշվի առնենք Տարոնում տիրող կացությունը,  
ապա պետք է ընդունենք, որ վերադարձ այնտեղ, նշանա-  
կում էր գնալ մահվան ընդառաջ: Վերադառնալով Տարոն,  
Գևորգն ու Կորյունը Մառնիկ սարի վրա ժողով են գումարում,  
որին մասնակցում են Մակարը, Չոլոն, Մորուք Կարոն, Գա-  
լեն և ուրիշներ: Ժողովը որոշում է «...ամեն գնով խուսափել  
կռվե և հանգիստ պահել Տարոնի աշխարհը, մխիթարել և  
հուսադրել հուսալքված ժողովուրդը, ըստ կարելիության մեղ-  
մացնել հարստահարությունները և թույլ չտալ, որ ժողո-  
վուրդը զինաթափ ըլլա: Գևորգի համար կորոշվի հետևյալը.  
քանի որ ան կառավարության աչքի փուշն է դարձած, ուս-  
տի կռվե խոսափելու համար պետք է մնա լեռներու մեջ  
Ֆետայիներու մեծ մասին հետ և պիտի ձեռք առնե միջոց-  
ներ՝ զսպելու քրդերը և դաբիլաթները, առանց, սակայն, գոր-  
ծը արյունահեղության հասցնելու: Կորյունի համար կորոշվի,  
որ նա մնա ժողովրդի մեջ և զբաղվի կազմակերպչական և զեն-

4. Հուշեր, գրեց՝ Արամ, «Հայրենիք», N 11, սեպտեմբեր, 1923, էջ 133

քերու փրկության գործով: Սասունցի զինվորներու համար կորոշվի, որ Մակարի հետ միասին մնան Գևորգի քով, իսկ Կորյունի հետ դաշտ իջնեն քանի մը ծանոթ ու զգուշ զինվորներ»<sup>5</sup>:

Կորյունը, որ միշտ եղել է Հրայրի հնազանդ զինվորը, փորձում է գործել նրա սկզբունքներով: Իջնելով Մշո դաշտ, նա, նախ և առաջ, հավաքում է ամբողջ զենքը և պահում ապահով տեղեր՝ ժողովրդին սովորեցնելով, որ հայտնի կառավարությանը, թե Գևորգն ու Կորյունը բռնությամբ զենքերը հավաքել են: Այնուհետև, Կորյունը «կը վերակազմե կուսակցությունը Հրայրի մեթոդով, կը պայքարի Կոտան Ալայ բեկի բռնությանց ու զինահավաքման դեմ, կապ կը հաստատե քյուրտերու հետ և համագործակցության դաշինք կը կնքե. կանցնի Բինկյոլ խորմընկեցի աշիրեթապետ Նիյազիի մոտ և կը կազմակերպե մարտական կոմիտե: Հետո կերթա Խնուս կազմակերպական գործերով»<sup>6</sup>:

Սակայն, Կորյունը երկար գործունեության չի ունենում և 1905 թ. անցնում է Կովկաս, Գևորգին գրելով հետևյալը միայն՝ «Սիրելի Սարհատ, ես գնացի, համբույրներով՝ Կորյուն»<sup>7</sup>:

Կորյունի հեռանալը պայմանավորված էր նրա կողմից Գևորգի գործելակերպի անընդունելիությամբ (եթե նա ձրգտում էր նախապատրաստել խաղաղ և գաղտնորեն՝ ձգտելով ամեն կերպ շահել քրդերի համակրանքը, ապա Գևորգը 1905 թ. գարնանից դիմում էր սպառնալիքի և ահաբեկության միջոցներին), ինչպես նաև իր կազմակերպչական աշխատանքների կրախով: Տվյալ իրավիճակում Դաշնակցությունը տարված էր կովկասյան իրադարձություններով, Վանը կլանում էր Տարոն առաքվող զենքերի մեծ մասը, իսկ քրդերի չեզոքության միակ գրավականը հայերի զինումն էր: Քանի որ Կորյունը չէր փայլում կազմակերպչի անհրաժեշտ հատկանիշներով, ուստի կազմակերպչական աշխա-

5. Ռուբեն, Հայ հեղափոխականի մը հիշատակները, հ. Գ (3), Լոս-Անճելես, 1951, էջ 338

6. «Դրօշակ», N 8-10 (225-257), օգոստոս-հոկտեմբեր, Փարիզ, 1936, էջ 251

7. Ռուբեն, նշվ. աշխատությունը, հ. Գ (3), էջ 347

տանքների դժվարությունները նրա մեջ ակամայից հող էին ստեղծում հայդուկյան գործելակերպի համար: Ստացվում է, որ քննադատելով Գևորգին՝ Կորյունը հաճախ պետք է դիմեր նրա գործելակերպին: Բացի այդ, նա չէր կարող Գևորգին պարտադրել որևէ ծրագիր. քանզի, որպես հայդուկ, Գևորգն ավելի հեղինակավոր էր: Միակ ելքը մնում էր հեռանալ, որով էլ ավելի անելանելի կացություն էր ստեղծվում Գևորգի համար: Իսկ ինչպես էր գործում Գևորգը: Սկսած 1905 թ. գարնանից, մի կողմից տեսնելով, որ առանց հայդուկների տված առիթների էլ կառավարությունը շարունակում է ջարդերը, նա որոշում է հակահարված տալ, հասկանալով հանդերձ, որ իր գործելակերպն իրավիճակը չի կայունացնում: Ժողովրդի օգտակար լինելու ձգտումը և իր ընտրած պայքարի միջոցներով այդ ձգտումն իրականացնելու անհնարինությունը ծնում էին նրա մեծ ողբերգությունը:

Հայդուկային շարժումը մտնում էր իր վերջին, ճգնաժամային փուլը: Ինչպես վկայում է Ռուբենը, Գևորգն սկսում է գործել հետևյալ սկզբունքներով. «Ա. պայքար զենքի ուժով մինչև արյունահեղություն այն դաբիլաթներուն դեմ, որոնք կը ճնշեն ժողովուրդը: Բ. սպառնալիքով և գինու զորությամբ կոփվ այն աշիրեթներուն դեմ, որոնք գործիք կը դառնան կառավարության ձեռքին: Գ. անմիջական ճնշումներ կառավարության վրա, առանց դիմելու ապստամբության, որուն ոգին միշտ վառ պետք է պահել ժողովրդին մեջ և որուն սպառնալիքին տակ պետք է պահել կառավարությանը»<sup>8</sup>:

Պետք է նշել, որ այս սկզբունքով գործունեության բերած հաջողությունը կրելու էր ժամանակավոր բնույթ հետևյալ պատճառներով. 1) ժողովրդի մասնակիորեն զինված լինելու պայմաններում մեկ հայդուկային խմբի տարածած սարսափը կարող էր տևել այնքան ժամանակ, քանի դեռ կար այդ հայդուկային խումբը, 2) ամենուրեք տարածվող հողազավթումների դեմ հնարավոր էր պայքարի միայն համաժողովրդական ուժերով, 3) որոշ քուրդ աշիրեթներ, վախենալով Գևորգ Զաուշից, կարող էին բարեկամ ձևանալ

8. Ռուբեն, նշվ. աշխատությունը, հ. Գ (3), էջ 348



նրան, բայց դա ևս ժամանակավոր բնույթ էր կրելու, որովհետև հայուլթյունը գրեթե զինված չէր:

Կառավարության վրա ճնշում գործադրելու միակ միջոցը համընդհանուր ապստամբությունն էր: Իսկ ինչ վերաբերում է ժողովրդի մեջ ապստամբության ոգին վառ պահելուն, ապա դրա համար միայն գաղափարը բավական չէ: Դրա համար գաղափարական աշխատանքներին զուգակըշիռ անհրաժեշտ են զինման գործողություններ:

Այս բոլորով հանդերձ, չի կարելի մեղադրել Գևորգին վերոհիշյալ սկզբունքների ընտրության համար:

Այդպիսին էին ազատագրական պայքարի նրա ըմբռնումները և այդպես պետք է գործեր նա:

Եվ Գևորգը 1905 թ. սկզբից իր գործունեությունն այնպես, ինչպես ինքը ճիշտ էր համարում: Նա նախ հայդուկների միջոցով կազմակերպում է պայքար հողազավթումների դեմ: Հայուլթյանը հողագրկող և նրանց հողերին տեր կանգնող դաբիլաթների (տոհմերի) առաջնորդներից ումանց նա տեղորի է ենթարկում: Գործադրելով սպառնալիքի միջոցը, Գևորգը կարողանում է հասնել որոշ քրդերի և աշիրեթների բարեկամությանը, բայց դա, ինչպես նշել ենք, կեղծ էր և կրում էր ժամանակավոր բնույթ: Այդ հաստատում է Կ. Սասունին: Նա գրում է. «Գևորգ Չաուշի սարսափը շատ տարածված էր Տարոնի շրջանի աշիրեթներուն մեջ, ու շատերը, ինչպես Ղասըմ բեկը, ճեպրանցի Դարվիշը, ճեպրանցի Կոկեն, ալմանցի Ֆաթեն, խոշկանցի Ռըզկոն, պալակցիները, պատգանցիները, բագրանցիներու Բրկեն ու հասնանցի Մեհմեդ Դաշտին բարեկամական վերաբերմունք սկսած էին ցույց տալ դեպի ֆետայիները: Սակայն, երբ



Նկ. 2. Ռուբեն Տեր-Մինասյան

հեղափոխական ուժը իրենց սահմաններեն հեռանար, անոնք իրենց շահատակովթյունները կը շարունակեին»<sup>9</sup>:

Գևորգը հատկապես սերտ հարաբերություններ է ստեղծում Մուսա բեկի եղբայր Ղասրմ բեկի հետ: Սակայն փաստերից եզրակացվում է, որ այդ բարեկամությունը կեղծ է եղել: Ղասրմը Գևորգին բարեկամ է ձևացել երկու պատճառով. առաջին՝ նրա իսկ նկատմամբ տաժաժ վախի հետևանքով և նրան դավելու գաղտնի ցանկությամբ, երկրորդ՝ Հ. Հ. Դաշնակցության Դուրան-Բարձրավանդակի կենտրոնական կոմիտեի գաղտնիքներին հաղորդակից լինելու և կառավարությունը հայտնելու նպատակով:

1905 թ. ապրիլի 25-ին Գևորգ Չաուշը տալիս է իր հայդուկային մարտերի բարձրակետը հանդիսացող Խարսի կոփվը, որն, ամենայն հավանականությամբ, եղել է Ղասրմ բեկի մատնության հետևանքով: Խարսի կոփի նկարագրությունը մեր նպատակի մեջ չի մտնում: Սոսկ նշենք, որ այդ կոփում թշնամու կորուստները կազմել են ըստ Ռուբենի՝ 24 սպա և 60 զինվոր<sup>10</sup>, ըստ կոփի մասնակից Մեսրոպ Շահնազարյանի՝ 60/70-սպանված և վիրավոր<sup>11</sup>, ըստ Հարություն Սարգսյանի 45 սպանված և վիրավոր<sup>12</sup>:

Խարսի կոփվն ունեցավ հետևյալ հետևանքները:

1. Շեշտակիորեն բարձրացրեց Գևորգ Չաուշի՝ առասպելական և անպարտելի հերոսի համբավը: Շատ քրդեր և թուրքեր ձգտեցին շահել նրա բարեկամությունը՝ վախից, նրա անպարտելի լինելու համոզմունքից:

2. Լինելով ճգնաժամային փուլ մտած հայդուկային շարժումների վերջին հաղթական դրվագը, Գևորգ Չաուշին այն վերստին կողմնորոշեց դեպի հայդուկային գործելակերպը: Նրա մեջ եղած տատանումները վերջ գտան այդ գործելակերպի ընտրությամբ: Գևորգի անպարտելիության առասպելները սարսափ և զգուշություն առաջացրին ոմանց մոտ, իսկ

9. Կ. Սատանի, Քյուրտ ազգային շարժումները և հայ-քրդական հարաբերությունները (Ժե դարեն մինչև մեր օրերը), Պեյրովթ, 1969, էջ 188

10. Տես Ռուբեն, նշվ. աշխատությունը, 1949, էջ 364

11. «Տարոնի արժիվ», N 27, 1949, էջ 20

12. «Սփյուռք» շաբաթաթերթ, Բեյրովթ, N 8, 7 մարտի, 1971

նա դրանք գերագնահատելով՝ մղվեց որոշ անխոհեմ քայլերի, որոնք ճակատագրական եղան:

3. Շատերի մոտ ծնեց նման միջոցներով այլ տարրերի հետ համագործակցության հասնելու անհիմն եզրակացությունը:

Խարսի կովով, սակայն, սկսվում է ինչպես Գևորգ Չաուշի, այնպես էլ Տարոնի հայդուկային շարժումների փառքի մայրամուտը: Այդ կովից հետո Գևորգը փոքրիկ հեծելազորային խմբով շրջում է ամենուրեք և փորձում է կազմակերպչական խնդիրներ լուծել իր ըմբռնումների համաձայն: Ընդունում է այս կամ այն քրդի հրավերը, նրա հետ կերուխում է սարքում, ումանց գիշերն այցելության է գնում և սպառնում, ումանց գերում է, հետո բաց թողնում, ումանց էլ տետրի ենթարկում: Գևորգի նմանօրինակ արարքները դուր չեն գալիս Սասնո ծեր հայդուկ Սպաղանաց Մակարին, որը հայդուկներից ումանց համոզում է չհետևել նրան և չգնալ այս կամ այն քրդի հրավերին: Անտեսելով Մակարի խորհուրդները, 1905 թ. հոկտեմբերի 1-ին Գևորգը 11 հայդուկով քուրդ Մահմադ աղայի հրավերով Մառնիկի լեռներից իջնում է Ալվառին՝ այնտեղից Խըվներ (Մշո Չխուրի շրջան)՝ Ղասրմբեկի հետ հանդիպման գնալու համար: Նույն օրը Մահմադի մատնության հետևանքով նա տալիս է Ալվառինջի կոփվը, որը նրա հայդուկային կոփվների ամենատխուր և ողբերգական դրվագն էր: Կովում զոհվում են հայդուկներից 9 հոգի, իսկ գուղից կոտորվում է 134 մարդ<sup>13</sup>: Գևորգը փրկվում է մի կերպ: Ըստ Ռուբենի, նրան փրկում է Ալվառինջի Խանիկը՝ թաքցնելով հարևան քրդի տանը: Գևորգը որոշ ժամանակ աթարների մեջ թաքնվելուց հետո մի քրդի ուղեկցությամբ բարձրանում է Մառնիկի սարը՝ Մակարի մոտ<sup>14</sup>:

Իսկ ըստ Հ. Սարգսյանի տեղեկության, Գևորգին փրկում է կովում սպանված հայդուկ Ասատուրի կինը՝ Վառոն: Նա «...ուշ գիշերին հովվի թաղիք Գևորգի ուսերին գցած, առաջնորդում, անցկացնում է զինվորների արանքից, ապա հետ է դառնում»<sup>15</sup>:

13. Ռուբեն, նշվ. աշխատությունը, հ. Գ (3), էջ 371

14. Տես նույն տեղը

15. «Սփյուռք», N 7, 28 փետրվարի, 1972

Ալվառինջի ողբերգական կոիվը էլ ավելի խորացրեց հայդուկային շարժման ճգնաժամը, պառակտում ծնեց հայդուկների շրջանում: Այս կոիվով Գևորգն համոզվեց, որ իր գործելակերպի բերած հաջողությունները խաբուսիկ են: Շատերի աչքում Գևորգը կորցրեց իր հեղինակությունը: Ինը նշանավոր հայդուկների մահը նրան դժվար էր ներել: Այս կոիվը Գևորգի համար փաստորեն նշանակում էր հրաժարում հայդուկային գործելակերպից, առանց որի, սակայն, նա չէր կարող պատկերացնել իր կյանքը: Այն իր մէջ ամփոփում էր Գևորգի մոտալուտ կործանման նախանշանները: Կովից հետո շատ չանցած, նա ամուսնանում է Հեղին գյուղացի Հեղինեի հետ, ինչը էլ ավելի է խորացնում նրա ողբերգությունը: Զգալով, որ հայդուկային պայքարն իրեն սպառել է, իսկ այլ գործելակերպի համար իր ընդունակությունները չեն ներում, Գևորգն ամուսնանում է: Սակայն դա ավելի է նպաստում նրա մեկուսացմանը, քանզի հայդուկային պայքարի օրենքներով ամուսնությունն արգելված էր: Ստեղծված կացությունից որևէ ելք չգտնելով, Գևորգը Վանի Դաշնակցության գործիչներին է ուղարկում վերոհիշյալ նամակը: Այդ նամակը քննարկվում է 1906 թ. հունիսի 25-ից հուլիսի 1-ը կայացած Վանի Հ. Հ. Դաշնակցության 3-րդ շրջանային ժողովում, որի հունիսի 25-ին կայացած 1-ին նիստի արձանագրության մեջ կարդում ենք. «Նկատի ունենալով, որ Սասունի դեպքերից հետո Դաշտի դրությունը վատացել է, որոշվեցավ ընկեր Ռուբենին ուղարկել այնտեղ, որ աշխատի խոհեմությամբ, Գևորգ Չաուշի և Տատրակիհետ խորհրդակցելով չարիքը հեռացնել, ժողովրդի վիճակը բարելավել և պարբերաբար տեղեկություններ տալ մեզ երկրի դրության, իր արածի և անելիքի մասին, որպեսզի տեղյակ լինենք այնտեղի իրականությանը և խորհենք ապագայի մասին: Ռուբենը իր հետ պիտի վերցնի առայժմ 50 լիրա: Որոշվեցավ նույնպես առաջին պատեհ վայրկյանին մարդ ուղարկել կազմակերպելու Սալնո Զորի (Ախլաթի-Ա. Ն.) շրջանը»<sup>16</sup>:

Ռուբեն Տեր Մինասյանը մուտք է գործում Տարոն 1906 թ. հուլիսին: Այդ ժամանակ նա ընդամենը 24 տարեկան էր,

16. Արամ-Ռուբեն, նշվ. աշխատությունը, հ. Բ (2), էջ 416

բայց բավականին խոհեմ էր ու հեռատես: Հենց իր գործունեութեան սկզբից Ռուբենը համոզվում է, որ Տարոնի ժողովրդի մեջ շատ խոր են նստած Հրայրի գաղափարները: Մարմնավորելով ազատագրական պայքարի խնդիրներին Դաշնակցութեան նոր մոտեցումները և վկա լինելով Տարոնում առկա ուղղութիւնների օրհասական պայքարին, որն ընթանում էր հոգուտ այդ նոր մոտեցումների, Ռուբենն, անշուշտ, ձգտելու էր վերջնականապես բացառել հայրուկային շարժումները: Սակայն, կարծում ենք, որ նա չէր կարող իր գործունեութեան հենց սկզբից ցույց տալ որևէ ուղղութեան իր վերջնական հակվածութիւնը, հետևյալ պատճառներով: Եթե Գևորգը հնազանդվել էր Հրայրին, քանի որ վերջինս Տարոնում առաջին հեղինակութիւնն էր և ազատագրական պայքարի գլխավոր գաղափարախոսը, ապա նա չէր կամենա հպատակվել Ռուբենին, քանզի նրա համեմատ ինքը շատ հեղինակավոր էր: Ռուբենը կձգտեր իրականացնել Հ. Հ. Դ. որոշումները Գևորգի հանդեպ, սակայն վերջինս, անշուշտ կդիմադրեր դրանց: Այստեղից էլ՝ նրանց միջև բախումներն անխուսափելի չէին: Ռուբենը շուտով Ղզլաղաճի, ապա ս. Կարապետի անտառում ժողովներ է գումարում, որոնց որոշումների իրականացումը նշանակում էր Տարոնում վերջ դնել հայրուկային պայքարին և նրա ավանդներին:

Մանավանդ ս. Կարապետի անտառում 1906 թ. հուլիս-օգոստոս ամիսներին գումարված Դուրան-Բարձրավանդակի Հ. Հ. Դ. շրջանային ժողովը, որի որոշումներին առանձին-առանձին հարկ չենք համարում անդրադառնալ, կոչված էր վերջնականապես որդեգրելու Գուրգենի և Հրայրի սկզբունքները՝ ս. Կարապետի ժողովի որոշումները կյանքի կոչելով: Ռուբենն, ի վերջո, հանգեցնելու էր հետևյալ փոփոխութիւններին:

1. Վերջ էր տալու Դուրան-Բարձրավանդակի կենտրոնական կոմիտեի մեջ մտնող տեղական կազմակերպութիւնների ապակենտրոնացմանը՝ բոլոր այդ կազմակերպութիւնները զցելով իր անմիջական հսկողութեան տակ: Բոլոր կըրթական, դատական, հարկային և այլ խնդիրները նույնպես ինքն էր տնօրինելու:



Նկ. 3. Սուլուխի Սերոբ (կենտրոնում): Աղբյուր Սերոբի զինակիցներից է: Մարտնչել է Սասունում, 1903-ին Կարսում միացել է «Շանթ» զինախմբին՝ Երզիր անցնելու համար: Յուդվերանի մոտերքում Սերոբը զոհվում է անհավասար մարտում, նրա հետ զոհվում են նաև նրա Հակոբ և Ավետիս որդիները:

2. Յրելու էր Սասունի հայդուկային հատուկենտ խմբերը և գաղտնի մարտական ուժեր էր ստեղծելու յուրաքանչյուր գյուղում: Եթե մեկ-երկու հայդուկային խմբեր հնարավորություն չունին ապահովելու ամբողջ ժողովրդի ինքնապաշտպանությունը, ապա յուրաքանչյուր գյուղի մարտական խումբը հարկ եղած պարագային կկազմակերպեր տվյալ գյուղի ինքնապաշտպանությունը:

3. Կառավարության հրահրած հողազավթումների և իր բնօրրանից հայուլթյան դատարկման քաղաքականուլթյան դեմ պայքարելու էր ժողովրդական ուժերով: Սակայն, պետք է շեշտել, որ ժողովի որոշումներն իրականացնելը դյուրին խնդիր չէր, մանավանդ քանի դեռ Տարոնում էր գտնվում հայդուկային պայքարի վերջին մոհիկանը՝ Գևորգ Չաուշը, որը չէր կարող հեշտորեն հեռանալ այն կյանքից, որին նվիրվել էր գրեթե քսան տարի: Նա, անշուշտ, ներքին խոր ցավով էր ըմբռնում Դաշնակցուլթյան հրաժարվելը հայդուկային գործելակերպից, և քանի որ այլ ուղղուլթյամբ գործելու համար էլ նրա կազմակերպչական ընդունակուլթյունները չէին ներում, ուստի զգում էր, որ վաղ թե ուշ պետք է հեռանա: Սակայն, հայրենի Տարոնի նկատմամբ տաժաժ սերն արգելում էր նրան հեռանալ:

Ս. Կարապետի շրջանային ժողովի որոշման համաձայն Գևորգ Չաուշը պետք է անցներ գործելու Խնուաում, իսկ Ռուբենը մնում էր Մշո դաշտում և Սասունում: Գևորգը 20-25 հոգուց բաղկացած խմբով Խնուա է հասնում ամենայն հավանականուլթյամբ 1906 թ. օգոստոսի վերջերին: Նա այստեղ նպատակ է ունեցել զբաղվելու Մշո դաշտից Խնուա անցած գաղթականուլթյան տեղավորման, Կովկասից զենքերի տեղափոխուլթյունն ապահովելու, ինչպես նաև տեղի որոշ քուրդ աշիրեթների հետ համերաշխուլթյուն ստեղծելու խնդրով: Բայց շատ հնարավոր է, որ Գևորգին Խնուա ուղարկելով, Ռուբենը ձգտել է նրան այնտեղից Կովկաս անցկացնելուն: Գևորգի՝ Խնուաում գտնվելու շրջանում, 1908 թ. չ. չ. Դաշնակցուլթյան Արևելյան Բյուրոն Դուրան-Բարձրավանդակ է ուղարկում երկու նոր գործիչների՝ Դերենիկին (Վարդան Իսկենդերյան) և Փիլոսին (Փիլոս Սարգսյան՝ Մարալ): Փաստերից կարելի է եզրակացնել, որ նրանք ուղարկված էին փոխարինելու Գևորգին: Այս գործիչները առաջին անգամ հանդիպում են նույն սեպտեմբեր ամսին Արոս գյուղում: «Մեկ-երկու օր հետո, - գրում է Դերենիկը, - որոշվեց Փիլոսին թողնել Խնուա որպես գործիչ, իսկ ես խմբի հետ միասին պիտի երթայի Մուշ»<sup>17</sup>:

17. «Հայրենիք» ամսագիրք, N 12 (216) հոկտեմբեր, 1940, էջ 108

Դերենիկը Գևորգի հետ մի գիշեր Ավրան գյուղում անցկացնելուց հետո անցնում է Սուլուխ, ուր Ռուբենի հետ հանդիպում էր նշանակված: Հանդիպմանը ներկա են լինում նաև Մակարը և Գալեն: «Հետագայում,– շատ չանցած գրում է Դերենիկը,– մեր խոսակցությունների ընթացքում ես և Ռուբենը պարզեցինք,– ես՝ Հ. Հ. Դաշնակցության Արևելյան բյուրոյի, իսկ նա՝ տեղական ընկերների տեսակետները: Ռոստոմ, Սիմեոն և Համօ (բժ. Օհանջանյան) շարունակ պնդել էին ու ինձ պատվիրել, որ աշխատենք Գևորգին համոզել, որ նա միաժամանակ թողնի երկիրն ու անցնի Կովկաս: Առհասարակ տիրում էր այն կարծիքը, որ Դուրան-Բարձրավանդակում (Տարոն-Սասուն) ժողովուրդը հանգիստ պետք է ձգել, վերջին անցուղարձից քայքայվել էր հայ գյուղը: Գևորգի և հայդուկների ներկայությունն էլ առիթ էր ստեղծում նորանոր դեպքերի: Եթե հայդուկները ընդհարումներից աշխատեին խույս տալ, խուզարկությունները կը մնային որպես տևական, պարբերական չարիք: Յուրաքանչյուր մի խուզարկու արշավանք միջին թվով երեք հարյուր հոգուց էր լինում բաղկացած: Այդպիսի մի խումբ, երբ մանավանդ ներշնչված գալիս էր մարդ փնտրելու պատրվակի տակ կարեցածի չափ կողոպտելու հայ գյուղացին, այլև հասկանալի կլիներ կացության ողբերգությունը: Պետք էր համոզել միաժամանակ՝ անցնել Կովկաս: Պետք էր, որ նա Կովկասում միաժամանակ շրջանների մեջ մտներ: Ամենքը համոզված էին, որ այդ հանգամանքը բարերար ազդեցություն պետք է թողներ նրա բնավորության, գազազած հոգու և աշխարհայացքի վրա: Մյուս կողմից նրա և փախստական տղոց մեկ մասի հեռանալով Դաշտի մեջ զինված ընդհարումները կը պակսեին»<sup>18</sup>:

Այս ընդարձակ մեջբերումից ինչպիսի՞ հետևությունների կարելի է հանգել: Նախ՝ հայդուկային շարժումներն իրոք ջարդերի առիթներ էին ստեղծում և էլ ավելի էին նպաստում արևմտահայության քայքայմանը, և երկրորդ՝ Գևորգի հեռացումն էին պահանջում ոչ միայն Ռուբենը, այլև Հ. Հ. Դաշնակցության Արևելյան բյուրոն: Բայց Գևորգը հա-

18. Նույն տեղը, N 1 (217), նույնքեր, 1940, էջ 147



մատուրեն չեր ուզում հեռանալ: Նույն Դերենիկը վկայում է, որ Ռուբենը «շարունակ պայքարել էր խոսքով և օրինավոր որոշումներով, սակայն միշտ հանդիպել էր Գևորգի համառ դիմադրությունը: Պատահել էր նույնիսկ, որ համոզվել էր և մինչև իսկ Խնուա գնացել ու նորից հետ դարձել, պատճառաբանելով, թե «ճամբան բուք բորանի հանդիպեցան, չկարողացան անցնել»<sup>19</sup>:

«Նա կարծես չէր ուզում տեսնել,- այնուհետև գրում է Դերենիկը,- որ իրանից հետո երկրում մնում էին նախ՝ Ռուբենը, որը բավական մեծ ժողովրդականություն էր ձեռք բերել համեմատաբար կարճ ժամանակամիջոցում, երկրորդ՝ Դերենիկը, որ թեև դեռ նոր էր եկած, բայց Ռուբենի ընկերակցությամբ կարող էր հետզհետե լավ օժանդակություն ցույց տալ»<sup>20</sup>:

Ռուբենն, անշուշտ, լավ ընդունելություն կգտներ, որովհետև Տարոնի ժողովրդի մեջ արմատացած էին Հրայրի գաղափարները: Իսկ Գևորգի հեռացման պահանջը բխում էր ինչպես ժողովրդի, այնպես էլ իր իսկ ապահովության շահերից, որովհետև կառավարությունը խոստորեն հետապնդում էր նրան:

1907 թ. գարնանը Խնուսից մասնավոր նամակով կանչվում է Փիլոսը: Նրա գալուց հետո Ռուբենը, Գևորգը, Դերենիկը, Փիլոսը, Գալեն, Մակարը և 9 ուրիշներ հավաքվում են ս. Կարապետի ս. Սարգիս փոքրիկ մատուռում: Քննարկվում են հայ-քրդական հարաբերությունների և Գևորգի հեռացման հարցերը: Գևորգի հեռացման խնդրի շուրջը Դերենիկի հուշերում կարդում ենք. «Ժողովը հույս ուներ, որ Գևորգը Կովկաս գնալով Դուրան-Բարձրավանդակի համար պիտի կարենար կլորիկ մի գոմար ապահովել, ռազմամթերքի պարբերական փոխադրության զարկ տալ, մի բան, որ ամբողջապես կլանում էր Վանը»<sup>21</sup>:

Սակայն կարծում ենք, որ այստեղ կարևորը ոչ այնքան «կլորիկ գոմարի» և «ռազմամթերքի պարբերական փոխա-

19. Նույն տեղը

20. Նույն տեղը

21. Նույն տեղը

դրովթյան» հարցն էր, որքան դրանց պատրվակով Գևորգի հեռացումը: Հակառակ դեպքում այդ հարցերով կարող էր Խնուսից Կովկաս անցնել Փիլոսը, մանավանդ, որ նա ընտրել էր զենքերի տեղափոխման նոր ուղի (Կաղզվան-Մանազկերտ-Խնուս-Մուշ):

Հետաքրքիր է, որ Ռուբենն իր հուշերում գրում է, թե ինքն ու Գևորգը պետք է մեկնեին մասնակցելու Հ. Հ. Դ. 4-րդ ընդհանուր ժողովին, ինքը՝ Վան, իսկ Գևորգը՝ Խնուս-Կարս գծով: Նրանց փոխարինելու էին Փիլոսն ու Դերենիկը<sup>22</sup>:

Նախ՝ Ռուբենը վկայում է, որ ինքն ու Գևորգը ճանապարհ են ընկել ապրիլին, բայց չէ որ ժողովը Վիեննայում սկսվել էր փետրվարին և ապրիլին արդեն վերջանում էր: Երկրորդ, եթե իրոք նրանք պետք է մեկնեին և իրենց փոխարինելու էին Դերենիկն ու Փիլոսը, այդ դեպքում ինչով բացատրել այն, որ ըստ Դերենիկի հուշերի, հեռացվում էին նաև ինքն ու Փիլոսը (այդ մասին քիչ հետո): Երրորդ, եթե Գևորգի հետ մեկնելու էր նաև Ռուբենը, այդ դեպքում նրանք ինչո՞ւ էին մեկնում տարբեր ուղղություններով և ոչ թե միասին (Ռուբենը գրում է, որ այդպես են որոշել, որպեսզի մեկի սպանվելու դեպքում գոնե մյուսը տեղ հասնի<sup>23</sup>, բայց չենք կարծում, որ դա լուրջ պատճառ է): Գուցե պատճառը Վանում և Խնուսում կազմակերպչական որոշ խնդիրներն էին: Եթե՝ այո, այդ դեպքում ինչո՞ւ Ռուբենը Սուլուխի կովից հետո (1907 թ. մայիսի 27) չի անցնում Վան: Այնպես որ, Ռուբենի՝ ժողովին մասնակցելու համար մեկնելու այս վարկածը տրամաբանական չէ, որովհետև ստացվում է, որ նրանք կամ տեղյակ չէին ժողովի ընթացքի մասին, որը քիչ է հավանական (կենտր. կոմիտեների թեկնածուները հրավիրում էին ընդհանուր ժողովից շատ առաջ), կամ էլ դա հորինել է Ռուբենը՝ Գևորգի հեռացման իր ձգտումները քողարկելու համար: Պատահական չէ, որ իր հուշերում Դերենիկը ոչինչ չի գրում Ռուբենի մեկնելու որոշման մասին,

22. Ռուբեն, նշվ. աշխատությունը, հ. Դ (4), Լոս-Անջելոս, 1952, էջ 147

23. Տես նույն տեղը



Նկ. 4. Գալե: Գևորգ Չաուշի հավատարիմ զինվորն է եղել

այլ, ընդհակառակն, վկայում է, որ Դուրան Բարձրավանդակից հեռացվում էին նաև ինքը և Փիլոսը: Այնտեղ կարգում ենք հետևյալը. «Տրված որոշումների գործադրության համար (ս. Սարգսի մատուռի ժողովի-Ա. Ն.) պետք է, որ Փիլոսը և ես գնայինք Խնուա, ցերեկով ս. Կարապետի կարավանի հետ, որպես ջորեպաններ ջորեպանի տարազով: Այնտեղ Գևորգի ճամփորդության համար պետք է պատրաստեինք ամեն ինչ, որպեսզի Գևորգը, առանց ժամանակ կորցնելու անցներ Գոբալներ կոչվող գծով: Գևորգի անցնելուց հետո Փիլոսը պետք է անցներ Մանազկերտ՝ հասնանցի Կուլի բեկի հետ սկսած խնդիրը կարգադրելու և Կաղզվանի վրայով գիծ ստեղծելու: Ես Փիլոսի հեռանալուց հետո պիտի անցնեի Կարին՝ տեղական մարմնի տրամադրության տակ աշխատելու: Սկզբունքով ընդունվեցավ՝

երկիրը միաժամանակ խաղաղ գործունեության մեջ պահել: Հետևապես շրջող հայրուկների թիվը պետք է պակասեցվեր՝ Կովկաս դրկելով: Ուրեմն խնդիրը ճիշտ այդ ձևի տակ մտցնելու մտքով պետք էր սկսել մեզնից: Առաջ և առաջ Կովկասից դեռևս նոր եկած ընկերները պետք է հեռանային: Նրանցից հետո էլ՝ Աստված ողորմած էր, մի դեպք պատահեր, և Գևորգի Կովկաս անցնելու խնդիրը մոռացվեր: Խնդրի մեջ ամենից կանխիկը իմ ու Փիլոսը հեռացվելն էր, իսկ Գևորգի հեռանալը մնում էր դեռ «ապառիքների գրքի մեջ»: Ռուբենը, հակառակ իր նրբանկատության, այս անգամ էլ տարվել էր»<sup>24</sup>:

Այսուհետև, Դերենիկը հետևյալն էր գրում, որը հարկ ենք համարում մեջ բերել՝ անհրաժեշտ եզրակացություններ կատարելու համար. «Այդ գիշեր, սակայն, Գևորգը արտասովոր քայլեր էր անում: Ավրանա Մուսոյին, որ լավ երգիչ էր, ազատ, համարձակ երգել էր տալիս: Ես ջղայնացած դիմեցի Ռուբենին, նա՝ Գևորգին: Սակայն, մի չոր պատասխան միայն եկավ ամեն ինչին վերջ դնելու:

–Ես ուռաստանցի մուկ չեմ, որ վախենամ:

Նա ուզում էր մի դեպք ստեղծել: Մեր ընկերական շրջանի մեջ կը լիներ, թե թշնամու հետ, տարբերություն չուներ, միայն թե որոշյալ նպատակը իրագործվեր՝ «Կովկաս անցնելու որոշումը ցնդեր հողա»: Առայժմ փաստն այն էր, որ ես ու Փիլոսը քաղաքավարի կերպով հեռացվում էինք Դուրան-Բարձրավանդակից»<sup>25</sup>:

Այս բոլորից հարկ է հետևյալ եզրակացություններն անել:

Առաջին՝ ճիշտ պնդելով Գևորգ Չաուշի հեռացման անհրաժեշտության վրա, որը նաև Ջ. Ջ. Դ. Արևելյան բյուրոյի պահանջն էր, Ռուբենը դրանով ձգտում էր Տարոնում հաստատել իր միանձնյա ղեկավարությունը: Եթե իրոք Գևորգի հեռացումը պահանջում էր ժողովրդի շահը, այդ դեպքում ինչո՞վ բացատրել Դերենիկի հեռացումը, որը ընդունում էր Ռուբենի գործելակերպը: Երկրորդ. Գևորգ Չաուշը

24. «Հայրենիք» ամսագիրք, N 1 (217) նոյեմբեր, 1940, էջ 159

25. Նույն տեղը

ըմբռնելով, որ Ռուբենն ամեն կերպ, այս կամ այն պատրվակով ձգտում է իր հեռացմանը, առիթներ էր որոնում նրա այդ պահանջը չկատարելու համար: Ըստ երևույթին նա հասկացել է Ռուբենի՝ միանձնյա իշխելու հակումները:

Վերոհիշյալ ժողովից հետո Դերենիկը և Փիլոսը անցնում են Ավրան գյուղը, որտեղից էլ՝ որպես ջորեպան՝ Խնուս, ուր պատրաստվում են ընդունելու Գևորգին: Սակայն, Գեվորգն այդպես էլ չի գնում: Շատ չանցած լսում են, որ նա զոհվել է: Իսկ ինչպիսի՞ իրադարձություններ են լինում մինչև մայիսի 27-ը: Նախ, դիմենք Ռուբենի հուշերին: Ըստ այդ հուշերի 1907 թ. ապրիլին Ռուբենը և Գևորգը 80 հոգով իջնում են Մշո դաշտ՝ շուտով Կովկաս անցնելու համար: Երբ հասնում են Քարձոր գյուղը, որտեղից սկսվում է դաշտը, գիշերը տեղի Ֆայաթ բեկից 40 ձի են վերցնում և արշալույսին հասնում ս. Հովհաննու անտառները: Մշո Տատրակից (Գեղամ Տեր-Կարապետյան) լուր ստանալով, որ իրենց վրա զորք է գալիս՝ Ղզլաղած գետի հոսանքով իջնում են մինչև Քյուրդ մեյդան հայկական գյուղը: Թըշնամին կարծելով, թե նրանք ս. Հովհաննու անտառներում են՝ կրակ է բացում: Այնուհետև, Ռուբենը Գևորգի խորհրդով 25 ձիավորով իջնում է բաց դաշտ՝ թուրք ձիավորներին թյուրիմացովթյան մեջ գցելու համար, որից հետո արշավում է դեպի Զանգոք (Տավրոսի փեշին, Արածանիից բավականին հեռու, որը Քյուրդ մեյդանի և Շեյխլանի հետ կազմում է եռանկյունի) և կրակ բացում Շեյխլանից Քյուրդ մեյդան առաջացող զորքի վրա: Թշնամին փոխում է ճանապարհը և արշավում Ռուբենի խմբի հետևից: Երբ Ռուբենի խումբը բավականին հեռանում է և մոտենում Տավրոսի փեշերին, Գևորգն անցնում է նրան հետապնդող թըշնամու թիկունքը՝ բաժանելով հեծելազորը հետևակից: Այնուհետև, թշնամուն առնում են երկու կրակի մեջ, որը զոհեր տալով, դիմում է փախուստի: Թուրքերի հետևակն ուղղվում է դեպի Զանգոք, իսկ հայդուկները՝ Շեյխլան և ապա՝ անցնելով Արածանին, նրա ափով իջնում են մինչև Սուլուխի կամուրջը, որի երկու պահակներին վերացնելով՝ շարժվում են Հունան: Այստեղ բաժանվում են երկու մասի: Ռուբենը 20 հոգով անցնում է Մեղրագետը և բարձրանում Տեր-

դեանք լեռը, իսկ Գևորգը շարժվում է դեպի քրդագոմ<sup>26</sup>:

Գևորգը, որը նպատակ է ունենում շրջելու Դուրան-Բարձրավանդակի կենտ. կոմիտեի Սոխակյան և Օազիսի շրջաններում, շարունակում է հետապնդվել: Սակայն, իրեն հատուկ հմտությամբ կարողանում է թշնամուն դարձյալ թյուրիմացության մեջ գցել և, ի վերջո, պատասպարվել Մառնիկի անտառում, որտեղից լուր է ուղարկում Ռուբենին, որպեսզի իջնի Դերեկ (Աշտիշատ), որը վերջին ժամադրավայրն էր: Այնուհետև, Գևորգը մի քանի ընկերներով իջնում է Սուլուխ, Դերեկ անցնելու, իսկ Ռուբենը Ֆրանկ Սահակի առաջնորդությամբ Յրոնք, որտեղից պետք է անցներ Սուլուխ և ապա՝ Դերեկ<sup>27</sup>:

Այնուհետև, Ռուբենը հետևյալն է գրում. «Ես ալ կըշտապեմ մայիսի 8-ին հասնել Դերեկ: Այնտեղ կը տեսնվինք, վերջին անգամ կը խոսինք և իր մոտ եկած Վանի սուրհանդակ Ղարսա Հակոյին և քյուրդ Հասանոյին առնելով պիտի վերադառնամ Վան:

Այդ օրը Յրոնք են եկած արվարինջցի հայտնի ֆետայի Սեյտո Պողոսը, մշեցի Ռուբենը, ցրոնքցի լավ կոպողներ Էլոն, Խուչոն և Մխիկը: Կը վերցնեմ այդ հինգ կտրիճները և հետիոտն ճամփա կիյնանք դեպի Սուլուխ: Արշալոյսին կը հասնինք Սուլուխ: Մեծ զարմանքով կը տեսնեմ, որ Գևորգ չէ մեկնած այդ գյուղեն դեպի Դերեկ»<sup>28</sup>:

Դժվար է ասել, թե Գևորգը ինչո՞ւ է նախատեսվածից շատ մնացել Սուլուխում: Ռուբենը գրում է, որ նա իր այդ հարցին պատասխանում է. «Դու բան չես գիտե, ԽՆուաի սուրհանդակները վաղը պիտի հասնին Դերեկ (վերջիններս պետք է գային Գևորգին ԽՆուա առաջնորդելու-Ա. Ն.), երբ նախապես մենք հոն լինինք, պիտի վտանգվին թե անոնք և թե մենք. հանգիստ դու քնե, հեչ բանըմ էլ չկա»<sup>29</sup>:

Բայց մենք կարծում ենք, որ Գևորգի Դերեկ չանցնելու պատճառը միայն դա չէր: Եթե իրոք զգուշանում էր Դերեկի

26. Տես Ռուբեն, նշվ. աշխատությունը, հ. Դ (4), էջ 147-154

27. Նույն տեղը, էջ 156-157

28. Նույն տեղը, էջ 157

29. Նույն տեղը



Նկ. 5. Սմբատ

վրա հարձակումից, ապա այդ հարձակումը չէր բացառվում նաև Սուլուխի վրա նրա Սուլուխում գտնվելու ընթացքում: Չէ որ թշնամին ամենուրեք նրան հետամուտ էր լինում: Մենք համոզված ենք, որ Գևորգը մնալով Սուլուխում՝ դարձյալ նպատակ է ունեցել ձգձգելու իր Կովկաս ացնելու խնդիրը: Հակառակ դեպքում նա կանցներ Դերեկ, որտեղից, ընդհարման դեպքում, շատ ավելի դյուրին էր հեռանալ, քան Սուլուխից, որը գտնվելով Էրզրումից Մուշ տանող միակ ճանապարհի վրա, անընդհատ հսկողության տակ էր:

Գևորգ Զատուշի այս սխալը նրա համար ճակատագրական է լինում: Մայիսի 27-ի առավոտյան գյուղի վրա զորք է գալիս: Խարսա չակոյին, սուլուխցի Սաղոյին, քուրդ չասանոյին և մի քանի գյուղացիների անմիջապես ուղարկում են գյուղից 150 մետր հեռավորության վրա գտնվող կամուրջը գրավելու և արգելելու Կուրավուի պահակազորի անցումը դեպի Սուլուխ: Գևորգը սկզբում ձգտում է կռվից խույս տալ և նահանջել, բայց ձիերը չեն բավականացնում: Բացի այդ, «Կամուրջի աջ գլխին վրա կերևան արդեն եկած զորքերը, որոնք չեն փորձեր անցնիլ կամուրջը, որուն ձախ գլուխը բռնած են Սաղոն ու չակոն իրենց փոքրաթիվ ընկերներով»<sup>30</sup>:

Այս պայմաններում Գևորգը բաժանում է դիրքերը, որոնք «իրարու հետ կը կազմեն եռանկյուն մը. գլուխը գուդեն դուրս ինկած խարապա (ավերակ) մըն էր, որը դաշտի մեջ ըլլալով, գյուղի ծայրին, միայն 50 քայլ հեռու էր խճուղիեն, մյուս դիրքը ձախ ինկած մոտ 70 քայլ հեռավորությամբ Քյուչյուքի տան տանիքն էր, որը կիշխեր դաշտի կողմեն եկողներու վրա, իսկ երրորդը առաջին խարապայի դիրքեն դեպի աջ ինկող կիսաշեն եկեղեցիին պատերն էին, որ կիշխեր խճուղիի վրա և կապահովեր կամուրջի մեր դիրքին թիկունքը»<sup>31</sup>:

Գևորգը Գալեի, Տիգրանի, Ալիջանի Տիգրանի, սուլուխցի Մոսիկի, Մեսրոպի և Քյուչյուկի հրամանատարության տակ գտնվող մի տասնյակ կռիվողների հետ վերցնում է տանիքի դիրքը, Ռուբենը՝ Սեյդոյի, ալիզոնանցի Մուքոյի, ցրոնքցի Էլոյի և Մխիկի հետ գյուղից դուրս ընկած «խարապան»: Նրա հետ էր նաև սուլուխցի Սամոն՝ 6-7 ընկերներով: Եկեղեցու դիրքը բռնում է շենիկցի Ղազարը՝ մշեցի Ռուբենի, Գփրոյի և մի տասնյակ տեղացի կռիվողների հետ<sup>32</sup>:

Այս բոլորից բացի գյուղում մնում էր մի փոքրիկ խումբ, որը պետք է տեղաշարժվեր Գևորգի ցուցմունքներով:

Չայ կռիվողների ընդհանուր թիվը կազմում էր 80 հոգի,

30. «Հայրենիք» ամսագիրք, N 1 (217) նոյեմբեր, 1940, էջ 159

31. Նույն տեղը

32. Նույն տեղը, էջ 163



որոնք ունեին տարբեր զենքեր: Սուլուխի պահեստում կար ընդամենը 8000 փամփուշտ<sup>33</sup>:

Կովի ազդանշանը տալիս է Գևորգը, որին հետևում են մյուսները: Թշնամին կես ժամվա կովից հետո 1000 քայլ հետ է նահանջում՝ տալով 90–100 գոհ<sup>34</sup>:

Ժամը 11-ին նրա խումբը բաժանվելով երեք մասի՝ վերսկըսում է գրոհը: Հայդուկները դիմադրում են, բայց քանի որ թըշնամին բազմաքանակ էր՝ աստիճանաբար մոտենում է Ռուբենի դիրքին, իսկ մյուս կողմից լցվում է գերեզմանոցը, որը Գևորգի դիրքից 100 քայլ հեռավորության վրա էր: Թուրքերն արդեն գերեզմանոցի կողմից լցվում են գյուղը: Ռուբենը հնարավորություն չի ունենում այդ ուղղությամբ գրոհի առաջն առնելու, քանի որ իր դիրքից ընդամենը 50 քայլ հեռու էր գտնվում զորքը:

«Ահա փոսերեն դուրս կը ցատկեն,– գրում է նա,– ու կը վազեն դեպի մեզ: Հրացանները մեկ կողմ դրած ենք, ու կը գործեն տասնոցները. հարձակվողները նորեն ետ կընկրկին: Մեկ մասը սակայն մեր աջ թև կը մտնե ու գյուղի մարագներն ու տանիքները դիրք կը բռնե, ասոնք կիյնան մեր և եկեղեցվո դիրքին միջև, ուրկե Շենրկի Ղազար նեղ կը լծե զանոնք ու մեր թիկունքը կապահովե<sup>35</sup>»:

Բայց շատ չանցած թշնամին անցնում է Ռուբենի թիկունքը: «Կը կանչենք Գևորգը օգնության,– շարունակում է նա,– պատասխանի փոխարեն կը լսենք՝ «թեսլիմ-թեսլիմ»»: Գերեզմանոցեն արշավողները բռնած են Գևորգի դիրքը: Կորսված ենք կարծես, շրջապատված խարապայի մեջ, բայց հույս ունինք, թե Գևորգ դիրքը փոխած է ու շուտով կգա մեր թիկունքը մաքրելու: Այս հույսով շրջանակ կազմինք ու կատաղաբար կը կովինք»<sup>36</sup>:

Ռուբենին մնում էր միայն մի ելք՝ հետ վերցնել Գևորգի դիրքը: Հակառակ դեպքում բոլորը կորած էին: Ուստի, նա Էլոյին ուղարկում է, որպեսզի Գևորգի կենդանի լինելու դեպքում նրան ասի, որ հարձակվի և մաքրի թիկունքը, իսկ

33. Նույն տեղը

34. Նույն տեղը

35. Նույն տեղը, էջ 164

36. Նույն տեղը, էջ 165

եթե ոչ՝ ինքը հարձակվի: Բարեբախտաբար Էլոյին՝ Գրքոյի և Տիգրանի հետ հաջողվում է գրավել Գևորգի դիրքը: Իսկ ինչ էր կատարվում Գևորգի հետ: Թշնամու երկրորդ գրոհի ժամանակ աչքից զարնվում է Գալեն: Գևորգը պատվիրելով, որ նրան տանիքից տուն իջեցնեն՝ շարունակում է կռվել: Բայց արագ-արագ կրակելու հետևանքով նրա հրացանի սուրման ամրանում է: Երբ փորձում է կարգի բերել՝ «...կը վիրավորվի ձախ ծնկի տակեն, գնդակը անցնելով աջ թիկունքի տակը: Գևորգը կրսե մնացողներուն. «Ես կիջնեմ Գալեի մոտ, դուք դիրքը ամուր պահեցեք»: Փորսող տալով կիջնե վար տանիքեն. կը մտնե տուն և կիսամեռ Գալեի կողքին կը նստի: Բայց շուտով հուսախաբ կըլլա. կես ժամեն տանիքը կը գրավեն զորքերը, մեր կռվողները կը նահանջեն փողոց և դիմացի տանիքները կը բռնեն»<sup>37</sup>:

Երբ թուրքերը գրավում են տանիքը, Գևորգը քաշվում է գոմի մութ անկյունը, ուր ջրհորն էր, նպատակ ունենալով զորքի ներս մտնելու դեպքում նետվելու ջրհորը: Այս ընթացքում Էլոն վերագրավում է դիրքը:

Կովի երրորդ փուլն սկսվում է կեսօրին: Թշնամին կրկին հարձակման է անցնում, վիրավորվում են Սեյդոն, Մխիկը, Ռուբենը: Կովի օրը Դերեկում գտնվող Ավրանա Արամը և Քեռի Ղազարը հրացանաձգովթյան ձայներ լսելով և մտածելով, որ Սուլուխում կռիվ է, մի քանի ընկերներով իջնում են Ավրան, վերցնում են այնտեղի մարտական խումբը և մոտենում Սուլուխի կամրջին, ուր կովի են բռնվում: «Թեև չեն հաջողում զորքը հեռացնել,– գրում է Ռուբենը,– բայց անշարժովթյան կը մատնեն: Այդ է եղել պատճառը, որ մեր փոքրաթիվ խումբն այնքան հերոսովթյամբ և համառովթյամբ կրցավ դիմանալ կամուրջի ձախ գլխին, թեև աննման Հակոն զարնված էր ճակտեն»<sup>38</sup>:

Իսկ գյուղում կռիվը շարունակվում է մինչև երեկո: Մութն ընկնելուց առաջ թշնամին թնդանոթ է բերում: Գյուղը գրեթե գրավվում է: Հայդուկների ձեռքին է մնում միայն գետի ափի փողոցը: Սուլուխցիները Ալիջանի Տիգրանի և մշեցի Ռու-

37. Նույն տեղը, էջ 166

38. Նույն տեղը, էջ 168

բենի գլխավորութեամբ ծուռ ու մուռ փողոցներով անցնում են թիկունքը, կրակում և երկու փողոց ազատում: Դրանից հետո որոշում են գյուղից դուրս գալ, Ռուբենը կարգադրում է անպայման կենդանի կամ մեռած վերցնել Գևորգին և Գալեին: Բոլորը միասին, Շենիկի Ղազարի գլխավորութեամբ, տանիքներից, փողոցներից հարձակվում են զորքի վրա և նրան շփոթութեան մատնելով՝ գրավում են մի քանի փողոց և Քյուչուկի տունը, որտեղից Գևորգին և Գալեին շակելով՝ տեղափոխում են գետափի փողոցը: Թշնամին ենթադրելով, որ հայդուկները կփախչեն գերեզմանոցի կողմից՝ զորքեր է կենտրոնացնում նրա շուրջը: Ռուբենը որոշում է օգտվել նրա այդ սխալից: Նա կարգադրում է Ալիջանի Տիգրանին, որ նա 5 հոգով մնա Քյուչուկի տան տանիքին և մի ժամի չափ շարունակի կռվել մինչև իրենք հեռանան: Գալեին, որն արդեն մեռած էր, նետում են գետը, իսկ Գևորգին կապում են ձիու վրա: Առաջապահ է դառնում Շենիկի Ղազարը՝ 10 հոգով, նրան 20 հոգով հետևում է Ռուբենը, վերջինիս՝ Սեյդոն՝ մշեցի Ռուբենի և Տիգրանի ընկերակցությամբ: Հետնապահ դառնուն են Մխիկը, Էլոն և Մոսիկը՝ մոտ 40 հոգով: Անաղմուկ անցնում են զորքի միջով, որը կարծելով, թե զինվորներ են՝ չի կրակում: Ընդհարում է ունենում միայն վերջապահ մասը: Մնացյալները կտրելով խճուղին՝ ուղղվում են դեպի գետի ափը և, թշնամու երկրորդ շղթան էլ լուռ անցնելով՝ նստում են, մինչև տեղ է հասնում հետնապահ խումբը: Ապա կրկին շարունակում են ճանապարհը և հասնում մինչև Ղաշղալթաղ գյուղի եղեգնուտները, ուր Ռուբենը, հրամայում է ցրվել՝ ով ուր կամենա, իսկ ինքը Գևորգի հետ, 22 հոգով մնում է այնտեղ<sup>39</sup>:

«Կը մտածենք մեր ընելիքի մասին,– գրում է այնուհետև Ռուբենը,– բայց թե կրակեն ազատած՝ ծովն ենք ընկած: Մեղրագետը կը միանա Եփրատին Ղաշղալթաղի մոտերքը կազմելով եռանկյուն մը. մեկ կողմը Սուլուխն է, ուր զորքն է, մյուս կողմերը այդ երկու հորդած գետերն են: Մենք ընկած ենք այդ եռանկյան մեջ: Գետը կարելի է անցնիլ միայն լավ լողալ գիտենալով, իսկ մեզմե 5–6 հոգի միայն

39. Տես նույն տեղը, էջ 138-172

լողալ գիտեն. հապա Գևորգը, որ դեռ կը շնչէ: Կորոշենք Գևորգը թողուլ եղեգնուտներու մեջ՝ պահապան դնելով Սուլուխի Սաղոն, Ջրոտն և Մեսրոպը, իսկ մենք պիտի մտնենք Ղաշղալթաղ գյուղ, քալակներ և տիկեր պիտի գտնենք և վերադառնալով, ամենքս միասին պիտի անցնեինք Մուրադի աջ ափը:

Կը հասնինք Ղաշղալթաղ, կը գտնենք միայն վեց տիկ՝ մեկ քալակ կազմելու չափ, այդ հագիվ բավեր, միայն Գևորգն ու ընկերները անցնելու: Ուստի, հուսահատ՝ մեր ծրագիրը կը փոխենք: Կը պատվիրենք Ղաշղալթաղի Գևորգին երթալ Գևորգ Չաուշին մոտ, վերցնել զայն ու պահապանները և քալակով գետը անցնիլ»<sup>40</sup>:

Իսկ իրենք բաժանվում են երկու խմբի: Մի մասը Սեյդույի հետ վերադառնում է դեպի թշնամու գիծը և կտրելով խճուղին՝ ուղևորվում Բերդակ, իսկ մյուս մասը (10 հոգի) Ռուբենի գլխավորությամբ անցնում է գետի մյուս ափը, որտեղից էլ Ղզլաղաճի անտառը և ապա՝ Մնձնուտ գյուղը, որի գերեզմանոցում թաքնվելուց հետո բարձրանում են դեպի ս. Հովհաննու կողմերը<sup>41</sup>:

Սուլուխից կարողանում է հաջողությամբ դուրս գալ նաև Ալիջանի Տիգրանը: Նա չորս հոգով մինչև գիշեր կովելով, այնուհետև, մտնում է զորքի մեջ և հրամայում տասնոցներով կրակել: Զինվորները միջան մեջ չկողմնորոշվելով՝ կրակում են իրար վրա: Տիգրանն օգտվելով դրանից, ընկերների հետ մտնում է մի տուն, ապա խառնվում է զորքին և դուրս գալիս դաշտ՝ տալով մեկ զոհ<sup>42</sup>:

Ըստ Ռուբենի, Գևորգ Չաուշի մահը հետևյալ կերպ է լինում: Նրա պահապաններից Մեսրոպը տեսնելով, որ տիկեր բերողներն ուշանում են, շտապում է գյուղ, որպեսզի ինքը բերի: Սաղոն ու Ջրոտն տեսնելով, որ զորքը շարժվում է դեպի Ղաշղալթաղ, «թաքստոցը կը փոխեն և կը մտնեն ավելի խոր եղեգններու մեջ: Մեսրոպ կը վերադառնա, բայց չի գտներ տղաքը և հուսահատ Ղաշղալթաղ կերթա: Արևը կը

40. Նույն տեղը, էջ 172-173:

41. Նույն տեղը, էջ 172-173

42. Նույն տեղը

ծագի, Գևորգ հոգին կավանդե: Կեսօրեն հետո կը ձերբակալեն կին մը, որ նույնպես պահված է եղեր եղեգնուտներու մեջ, անկե կիմանան Գևորգի մահվան մասին, կը խուզարկեն եղեգնուտը և կը գտնեն Սաղոն, Ջրորն և Գևորգի դիակը: Գևորգ հենված է եղեր խուրձ մը եղեգնի վրա, մեկ բոի մեջ պինդ բռնած հոգեվարքի ատեն պոկած եղեգները, երևի տանջանքով մեռեր է»<sup>43</sup>:

Սուլուխի կովի մասնակից 17 հայրուկներից զոհվում են երեքը (Գևորգը, Գալեն և Հակոն), կովող գյուղացիներից՝ 18 հոգի, անգեն ժողովրդից՝ 23 հոգի: Վիրավորվում է 11 հայրուկ: Կովից հետո գյուղը թալանվում է: Թշնամուց սպանվում են զորքի հրամանատար Բինբաշին, 2 հարյուրապետ, 5 մյուսազրմ, 12 զինվոր<sup>44</sup>:

Բինբաշու մահվան մասին Ռուբենը հետեվյալն է գրում. «Ան սպանված էր կեսօրեն վերջ, այն ատեն, երբ թշնամին մեզ նեղն էր դրած ու կարող էր Եփրատի մեջ թափել: Երբ Բինբաշին կը մեռնի, զորքը կը շփոթվի ու կովի եռանդը կը թուլանա անոր մեջ: Ոմանք ըսին, թե Քեոսեն մեռեր է Գևորգի գնդակով: Բայց այդ սխալ է, քանի որ Գևորգ շարքերեն ելած էր անոր մեռնելեն առաջ: Ոմանք ըսին, թե Մուքոն ու Սեյտոն են զարկած, այդ ալ սխալ է, քանի որ անոնք իմ մոտ էին և ոչ ոք մեզմե գիտեր, թե մեր դեմ կովողը Քեոսեն է: Շատերն ալ ըսին, թե իմ գնդակե ինկած է. այս ալ սխալ է, բոլոր կովողներս 3 օր ետք միայն իմացանք, որ մեր դեմ եկողը Քեոսեն է: Թերևս ճշմարտություն մոտ ըլլա ըսել, թե ան սպանված էր մեր գնդակներեն՝ ընդհանուր կարգով արձակված»<sup>45</sup>:

Ահա համառոտ այն ամենը, ինչ գրում է Ռուբենը Սուլուխի կովի և նրա հետևանքների մասին: Ի՞նչ եզրակացությունների կարելի է հանգել այս բոլորից: Նախ՝ հնարավոր էր, արդյոք, խուսափել Սուլուխի կովից: Կարծում ենք, որ հնարավոր էր, եթե Գևորգը ժամանակին մեկնած լիներ Դերեկ: Քանի դեռ Գևորգը չէր հեռացել Տարոնից, նրա այսպի-

43. Նույն տեղը, էջ 175-176  
44. Տե՛ս նույն տեղը, էջ 176-177  
45. Նույն տեղը, էջ 177

սի ճակատագիրն անխուսափելի էր, մանավանդ Խարսի կրու-  
վից հետո ընկած ժամանակաշրջանում: Ինչպես Սերոբը՝  
Բաբշենի, այնպես էլ Գևորգը Խարսի կովից հետո այլև  
դատապարտյալ էր: Ալվաոփնջի կովում նա մազապուրծ  
եղավ, իսկ Ռուբենի՝ Տարոն մուտքից հետո նրա այնտեղից  
չհեռանալու ճիգերը, անշուշտ, վաղ թե ուշ հանգեցնելու էին  
Սուլուխի կովին:

Երկրորդ. Սուլուխի կվում կարո՞ղ էր ավելին անել Ռու-  
բենը, որ չարեց: Մեր խորին համոզմամբ՝ ոչ: Ճիշտ է, հնա-  
րավոր չէ, որ Ռուբենը ներքուստ չղժգոհեր Գևորգից, քանի  
որ, ի վերջո, նրա պատճառով էր եղել այն: Բայց անառար-  
կելի է, որ ստեղծված բարդ իրավիճակում, երբ կարծես բո-  
լորի կործանումն անխուսափելի է, միայն Ռուբենի ճիշտ  
կողմնորոշման արդյունք պետք է համարել թե՛ գյուղից բա-  
վականին հաջող նահանջը և թե՛ մնացյալ հայրուկների ու  
գյուղացիների փրկությունը: Նրա խուճապի մատնվելու դեպ-  
քում ոչ միայն կզոհվեին հայրուկները, այլև նախճիրի կմատ-  
նվեր ողջ գյուղը:

Երրորդ. Սուլուխի կովի և ապա նահանջի՝ Ռուբենի վերո-  
հիշյալ նկարագրությունն մեջ կա՞ որևէ տեղ, ուր կարելի է  
մեղադրել նրան: Եթե այո, ապա կապված միայն Գևորգին  
եղեգնուտներում թողնելու հարցի հետ: Ինչպես արդեն նշել  
ենք, Ռուբենն ու ընկերները Գևորգին երկու պահապանների  
հետ թողնելով եղեգնուտների մեջ՝ անցնում են Ղաշղալթաղ՝  
տկերը բերելու և նրանից հետո գետն անցնելու համար: Սա-  
կայն, համապատասխան քանակությամբ տկեր չգտնելով,  
իրենք անցնում են գետը՝ պատվիրելով ղաշղալթաղցի Գևոր-  
գին, որպեսզի գնա և նրան տեղափոխի: Նախ՝ Ռուբենն ու  
ընկերները պետք է նախքան Գևորգին լքելը գիտակցեին, որ  
կարող է Ղաշղալթաղում պահանջված քանակությամբ տկեր  
չգտնվեն և այստեղ էլ՝ նրանք անպայման պետք է Գևոր-  
գին մինչև Ղաշղալթաղ տանեին իրենց հետ, որպեսզի տկեր  
գտնելու դեպքում այլև չդառնային եղեգնուտը և միանգա-  
մից անցնեին գետը: Երկրորդ, Ռուբենը վկայում է, որ իրեն-  
ցից (10 հոգուց) 5-6 հոգի լողալ են իմացել: Մի՞թե այդ  
5-6 հոգի լողորդից երկուսը չէին կարող Գևորգին ընդա-  
մենը մեկ-երկու տկի վրա կապելով տեղափոխել հաջորդ

ափր: Սակայն այս բոլորվ հանդերձ, մենք Ռուբենի արարքի մեջ որևէ դիտավորություն չենք տեսնում: Քանի որ, եթե Ռուբենը ցանկանար լքել Գևորգին՝ ուզենալով նրա մահը, նա այդպես կարող էր վարվել Սուլուխում, և ոչ ոք նրան չէր կարող մեղադրել: Բայց նահանջից առաջ նա հրամայեց ինչ գնով էլ լինի հասնել Գևորգի դիրքը և վերցնել նրան ու Գալեին՝ ողջ կամ մեռած: Եթե նա այդ հրահանգը չտար և նահանջեր առանց Գևորգին վերցնելու, ապա դրա բոլոր հիմքերը ուներ: Չէ որ հնարավոր էր, որ Գևորգին հասնելու փորձը ձախող վերջանար: Նաև չպետք է մոռանալ, որ Սուլուխից նահանջելու ճանապարհին ցավերին այլևս դիմանալու անկարող Գևորգը անընդհատ խնդրել է իրեն ձգել և հեռանալ: Ճշմարիտ է նաև այն, որ Ռուբենի խումբը գետը նետվելով համոզված չի եղել մյուս ափը հասնելու հաջողության մեջ: Բայց, անկախ ամեն բանից, թե գետանցման փորձը ինչպես կվերջանար, ինչ է նրանից խնդրել Գևորգը, կարծում ենք, որ նրանք պարտավոր էին փոխադրել Գևորգին: Այդ դեպքում, համենայն դեպս, Ռուբենին թերևս չվերագրվեին մի քանի անհիմն վարկածներ: Դրանցից մեկի հեղինակը, ըստ որի Սուլուխի կռվում Գևորգին թիկունքից խփել է Ռուբենը, զորավար Սմբատն է (Սմբատ Բորոյան, Մախլուտո): Ըստ նրա, մի օր Քեոսե Բինբաշին լուր է ուղարկում Գևորգին և նրա հետ հանդիպում է նշանակում Մշո Արաղ գյուղում, ուր «իբրև լավագույն բարեկամության արտահայտություն և իբրև գաղափարի կապ՝ կը թելադրե իր վրա չհարձակիլ օր մը, երբ կառավարության հրամանով զիրար ճակատեն: Արդ, այդ ըոպեին ճանաչվելու համար ճերմակ պաստառ մը պիտի պարզեմ, կըսե»<sup>46</sup>: Այնուհետև, գրում է, որ Ռուբենը Փեթար գյուղի զինվորներին հավաքում է ռես Պետոյի տունը: Գևորգը կասկածելով, որ իր դեմ դավ է նյութվում, «կորոշե երթալ և անպայման հասկանալ անոր այցելության շարժառիթը և պահանջել հարկին բռնի ուժով»<sup>47</sup>:

Նա իրեն դիմավորած և հանգստացնել փորձող ռես Պե-

46. Մկրտիչ Երիցանց, Զորավար Սմբատի հուշերը, հ. Ա, 1890-1914, Փարիզ, 1936, էջ 165

47. Նույն տեղը, էջ 316-317

տոյին պատասխանում է. «Հանգստանալու պետք չունեմ, կուզեմ իր հաշիվը մաքրեմ»: Բայց տեղի տալով նրա խընդրանքին՝ անցնում է հարևանի տունը: Իսկ հաջորդ օրը, երբ հանդիպում է Ռուբենին, հետևյալն է ասում. «Ես Իշխանի նման չեմ ըներ (նկատի ունի Վանի իշխանին) Նիկոլ Պողոսյան (որի հետ միառժամանակ Ռուբենը գործել էր Լեոնապարում-Ա. Ն.), կը զարնեմ, կը սատկացնեմ»: Ռուբեն ոեսի և տղոց առջև մեղայի եկավ,- շարունակում է Սմբատը,- խոստանալով անգամ մըն ալ նման արարքներու մեջ չգտնըվիլ: - Գնդակահարե զիս հակառակ պարագային,- ըսեր էր ան<sup>48</sup>:



Նկ. 6. Հրայր Դոտիսք (Արմենակ Ղազարեան): Արևմտահայ հեղինակավոր քաղաքական գործիչներից է:

Այս դեպքից շատ չանցած՝ տեղի է ունենում Սուլուխի կոիվը: Ըստ Սմբատի, Գևորգը հյուրընկալվում է Սաղոյենց տանը, Ռուբենը՝ Կոլանի Ստեփանի, Գալեն և Մշեցի Ռուբենը (Ռուբեն Տոնիկյան)՝ Չենոյենց: Հետևյալ օրը երկու սուրհանդակները՝ Ալոն ու Աշոն լուր են բերում, թե մատնված են, և զորք է ուղարկվում Սուլուխ: Պատրաստվում են կռվի: Այնու-

հետև Սմբատը հետևյալն է գրում. «Գևորգ երկարորեն քննելե վերջ բանակը տեսավ, որ զայն առաջնորդողը ուրիշ մարդ չէր, եթե ոչ իրեն այսքան ծանոթ և մտերիմ Քեոսե Բինբաշին, որի հետ բարեկամության ուխտ էր ըրեր:

-Չկրակեք,- հանձնարարեց Գևորգ իր զինվորներուն: Եթե կարողանաք այսպես կես ժամ շահիլ, կը մի՞նես և կրնանք քաշվիլ մեր թաքստոցները՝ լեռները: Չկրակեք, սպասեցեք միայն անոնց հարձակման.

48. Նույն տեղը



–Բանակին դանդաղ ընթացքը տեսնելով, Ռուբեն կը մոտենա Գևորգին:

–Ինչո՞ւ այսօր թուրքական զինվորները արագ չեն: Երևաի Քեոսե Բինբաշին կը հրամայե, որպեսզի կարողանանք պատրաստվելու ժամանակ շահել:

Մինչ այդ կամուրջի կողմեն կրակը կը սկսի: Կովի ազդանշանը տրված էր:

Մեկ ժամ վերջ՝ Գևորգ կուզե կրկին քննել թշնամի բանակին դիրքը, կը տեսնե, որ Քեոսե Բինբաշին պաստառ մը ձեռքը կընթանա դեպի առաջ: Կը հիշէ անմիջապես իրենց միջև գոյացած համաձայնությունը: Բայց հազիվ պատրաստ իր կարգին զայն դիմավորելու, Քեոսե Բինբաշին ծանրապես վիրավոր կիյնա գետին: Զարնված էր ֆետայիներեն:

Գևորգ ժամանակ չունեցավ ավելին տեսնելու: Բախտի չարագուշակ մեկ դիպվածով... ինքն ալ կը տապալեր գետին՝ կրնակեն զարնված:

Արդ, ինչպես հաստատվեցավ հետո, որ այդ պահուն Գևորգին ճիշտ ետևը և շատ մոտ կը գտնվեր միայն Ռուբեն, որուն թշնամական զգացումները Գևորգի հանդեպ ծանոթ էին բոլորին (ընդգծումները՝ հեղինակի): Գնդակը կռնակեն մտնելով՝ ձախ ծիծն էր ծակած: Երկու ժամ ևս տևեց կոփվրու գիշերը իջավ: Ֆետայիները եկան հավաքելու ընկած հերոսներու դիակները»<sup>49</sup>:

Սուլուխի կովի այս նկարագրությունը լի է հակասություններով և քննադատության չի դիմանում հետևյալ պատճառներով: Նախ՝ ըստ Սմբատի ստացվում է, որ կոփվն սկսվել է մովթն ընկնելուց ընդամենը մեկ ժամ առաջ, որը ոչ մի փաստով չի հաստատվում: Բացի այդ, երբ Բինբաշին հարձակվում է, Գևորգը հանձնարարում է ընդամենը կես ժամ չկրակել, որից հետո կմթնի և կհեռանա: Բայց ի՞նչ է կատարվում՝ անցնում է մեկ ժամ, հետո կրկին թշնամու դիրքը քննող Գևորգը նկատում է ճերմակ պաստառով Բինբաշուն, որից շատ չանցած վերջինս խփվում է հայդուկներից: Բայց չէ որ Գևորգի ուզած կես ժամն արդեն անցել էր

49. Նույն տեղը, էջ 313-319

և մովթն ընկել, էլ ինչո՞ւ նա հեռանալու հրաման չէր տվել: Գուցե հայդուկները չեն լսել նրան և հակառակվելով կրակե՞լ են: Բայց այդ դեպքում ինչո՞ւ համաձայն մյուս տեղեկությունների, նրանք հեռացել են միջոց օգտվելով: Այնուհետև, ըստ Սմբատի, ստացվում է, որ Բինբաշին խփվել է, երբ արդեն մովթ էր: Այդ դեպքում կրկին հարց է առաջանում՝ ինչպե՞ս նկատեցին նրան հայդուկները և խփեցին: Եվ վերջապես, եթե Բինբաշին ճերմակ պաստառով էր, այդ ինչպե՞ս եղավ, որ Գևորգը այդ չնկատեց, երբ դեռևս մովթը չէր ընկել, այլ միայն մեկ ժամից, երբ համաձայն Սմբատի վարկածի արդեն կես ժամ էր, ինչ միջև էր: Չէ որ Բինբաշին որպես հրամանատար արշավելու էր գորքի սկզբից: Կասկածից զերծ է, որ այս պատմությունը շինծու է: Իսկ Սմբատի՝ Ռուբենի կողմից Գևորգի թեկունքից խփվելու վարկածին անդրադառնալուց առաջ, հարկ ենք համարում անդրադառնալ Սուլուխի կովի վերաբերյալ Հ. Սարգսյանի նկատառումներին: Վերջինս գրում է, թե իբր Գևորգին Տարոնից հեռացնելու Ռուբենի ձգտումների ձախողումից հետո, կյանքի է կոչվում նրա ամուսնուկյան խնդիրը, որը քննելու համար ժողով է գումարվում նախ Մառնիկի անտառում, ապա Սուլուխ գյուղում: Իսկ թե ինչու Սուլուխում, Սարգսյանն իրեն հարց է տալիս և իր իսկ հարցին հետևյալն է պատասխանում. «Այդ գյուղումն էր ապրում Աույուծ Սերոբի եղբոր որդի Չրոտն, որի հորը սպանել էր Գևորգը, քանի որ սպանվածը Աույուծ Սերոբի հարստության տիրանալուց հետո Սերոբի կնոջ օրապահիկը տալիս էր, բայց երբ Աույուծ Սերոբը Բասենում իր երկու զավակների հետ նահատակվում է, այնուհետև ոչինչ չի տալիս... Սուլուխի ժողովի Գևորգի ամուսնուկյան խնդիրն է արժարժում... Գևորգը ասպետին հատուկ կեցվածքով, լուռ լսողի դերում է մնում, նա շատ լավ հասկանում էր, թե դավադրաբար ինչ նպատակ է հետապնդվում, ուստի համբերությունը սպառված, խիստ զայրացած օրը ցերեկով իրեն նետում է դուրս և սկսում փողոցներն արագ շրջագայել, ինչը որ շատ անսովոր էր: Ժողովուրդը նրան տեսնելով՝ իրար է անցնում: Գևորգը հանկարծ հանդիպում է գյուղի թուրք աղային. վերջինս ուռենու տերևի նման սկը-

սում է դողալ և լեզուն բռնվում է: Գևորգը նրան հանդարտեցնում է՝ ասելով:

–Այանքիդ վտանգ չկա, պայմանով, որ իսկույն ձի նստես, մեկնես քաղաք ու հայտնես, որ ես այստեղ եմ,– և հեռանում է:

Թուրք աղան իսկույն մեկնում է և հայտնում»<sup>50</sup>:

Սուլուխ գյուղում Գևորգի ամուսնուիթյան խնդրով ժողով գումարված լինելու մասին Հ. Սարգսյանի այս պատմությունները հորինված է և դա ժխտում է ղաշղալթաղցի Համազասպ Տեր-Խաչատրյանը, որը գրում է.

«Մեզի համար նորություն է ասիկա և ոչ տրամաբանական: Կրսենք ոչ տրամաբանական այն հիմունքով, որ Դուրան Բարձրավանդակի որևէ ներկայացուցիչ և իրավասու մարմին ներկա չեն եղած Սուլուխի ժողովին, եթե ժողով ըսվելու արժանի հանդիպում կա: Ֆետայական խմբին մաս կը կազմեին միմիայն շարժական ֆետայիներ, այսինքն համեստ կովոդներ, որոնք որևէ որոշում տալու իրավասություն չունեին»<sup>51</sup>:

Հ. Սարգսյանը այսպես է նկարագրում Սուլուխի կոփվը: Նախ՝ նա սխալվում է գրելով, թե Գալեն Հակոյի և Հասանոյի հետ ուղարկվել է կամրջի դիրքը: Գալեն կովի ժամանակ եղել է Գևորգի կողքին: Այնուհետև, երբ գորքը կրկին հարձակման է անցնում, և կոփն ընդունում է կատաղի բնույթ, «Այդ միջոցին ալիզոնանցի ծուռ Մքոն դիրքից բարձրանում, նշան է բռնում և կրակում է, հազարապետին ձիուց գլորում է ցած, որից հետո հարձակման թափը կոտրվում է»<sup>52</sup>:

Կովի ընթացքում թշնամու գնդակը դիպչում է Մքոյի հրացանի փակաղակին (զատվոր): Նա հրացան է ուզում նախ Գևորգից, որը պատասխանում է՝ «համբերիր, թերևա ճարվի»: «Կովի ընթացքին Մքոն տեսել էր,– շարունակում է Հ. Սարգսյանը,– որ Ռուբենը մուտք էր գործել Չրոտյի տուն, ըստ ոմանց ասուիթյան հախտուն Մքոն գնում է նույն տունը և Ռուբենից հրացան է պահանջում և ավելացնում. «Քանի որ դիրքում չես, մոտիդ հրացանը ժամանակով տուր ինձ»: Իբր

50. «Սփյուռք», N 7, 28 փետրվարի, 1972

51. Նույն տեղը, n 13, 4 ապրիլի, 1971

52. Նույն տեղը, N 9-105 14 մարտի 1971

Թե առանց նրա համաձայնությունից փորձում է հրացանը վերցնել, նրա անկարգապահ ընթացքը Ռուբենին վիրավորում և խիստ զայրացնում է, այդ պատճառով Ռուբենը՝ վրեժխնդիր և անողորմինչև վերջ, անգամ մահից հետո նրան հալածանքի է ենթարկում»<sup>53</sup>:

Այս դրվագը նույնպես շինծու է, որովհետև այդ ասեղ կռվի ժամանակ, երբ թշնամին Ռուբենի դիրքից, ուր գտնվում էր նաև Մքոն, ընդամենը մի քանի քայլ էր հեռու, հնարավոր չէր, որ Մքոն հասներ Գևորգի դիրքը և նրանից հրացան ուզեր, կամ Ռուբենը գնար Չրոտյի տուն: Բայց սա դեռ բոլորը չէ: Հ. Սարգսյանը ըստ երևույթին համոզված լինելով Ռուբենի կողմից Գևորգին թիկունքից խփելու վարկածի համոզիչ չլինելու մեջ, հետևյալն է հորինում. «Հրամանատար Չերքեզ հազարապետի սպանվելուց հետո,– գրում է նա,– կռվի թափը թուլանում է և զինվորները ընկրկում են: Հայրուկները գյուղի երեք ճակատների վրա դիրք բռնած կռիվ են մղում, վիրավորվում է միայն Գևորգը, որին ընկերները իջեցնում են ցած՝ թոնրատուն. նա անխնամ մնալով՝ արյունահոսությունը նրան խիստ թուլացնում է: Հետագայում բերնեբերան շուկներ են տարածվում, որ Գևորգը թիկունքից է խփվել, գնդակը, երբ մարմնին կաշում է, տեղը հազիվ նկատելի է լինում, բայց դուրս եկած տեղը մեծ վերք է առաջացնում (ընդգծումը մերն է– Ա. Ն.): Խոսվում է, որ խփողը Չրոտն եղած է, բայց նա ինքնագլուխ և առանց զորավոր պաշտպանի երբևէ չէր համաձայնվի նման մի քայլ անել: Տարօրինակ և զարմանալի զուգադիպությամբ նույն միջոցին Արածանի գետի կամուրջի գլուխ դիրք բռնած և կռիվ մղող Գևորգի անբաժան պահապան հրեշտակներ սպաղանցի Գալեն և Խարսա Հակոն սպանվում են: Մնում է քյուրտ Հասանոն (Խասրմ բեկի ղոլամը), որը իր տեղը մնում է և դիրքը չի լքում»<sup>54</sup>:

Այս բոլորից ինչ հետևություն: Նախ՝ Հ. Սարգսյանը վկայում է այսպիսով, որ Գևորգին խփվելուց հետո իջեցնում են թոնրատուն (ավելի շուտ ինքն է իջնում), ուր արյունա-

53. Նույն տեղը

54. Նույն տեղը

հոսովթյունից թուլանում է, քանի որ խնամող չկար: Իսկ ինչո՞ւ, որովհետև կոփվն այնքան կատաղի բնույթ էր կրում, որ ոչ մեկը հնարավորություն չուներ նրանով զբաղվելու: Հարց է առաջանում՝ այդ պայմաններում հնարավո՞ր էր, արդյոք, որ Մքոն ազատ հասներ Գևորգի դիրքը և հրացան ուզեր, կամ Ռուբենը մտներ Չըռոյի տունը:

Երկրորդ. Չըռոյի կողմից Գևորգին թիկունքից խփելու վարկածը հեղինակը հորինել է հետևյալ պատճառով: Մի կողմից ծանոթ լինելով Սմբատի հուշերին, ըստ որոնց Գևորգին խփել է Ռուբենը, նա հավատացել է նրան, բայց մյուս կողմից էլ հնարավոր չհամարելով, հորինել է Չըռոյի վարկածը:

Երրորդ. Հ. Սարգսյանի վերևում ընդգծած նախադասությունը, մեր կարծիքով, վերջնականապես բացահայտում է Գևորգ Չաուշի սպանության առեղծվածը և Սմբատի վարկածի առաջացման պատճառը: Ինչն է հիմք տվել Սմբատին՝ ընթացողը, որ թիկունքից է խփվել Գևորգը: Մեր խորին համոզմամբ՝ թիկունքի վերքի առկայությունը: Գնդակը ձախ կրծքից մտնելով՝ անցել է աջ թիկունքից, որտեղ ավելի մեծ վերք է առաջացրել: Իսկ դա մի կողմից և Գևորգ-Ռուբեն տարաձայնությունները մյուս կողմից հիմք են տվել ենթադրելու, որ Գևորգին թիկունքից խփել է Ռուբենը (1908 թ. սահմանադրությունից հետո հանձնաժողովն այդ մասին համապատասխան եզրակացություն է կատարել, որին կանդիդատուհանք քիչ հետո):

Սմբատը Ռուբենի կողմից Գևորգի խփվելու վարկածը հետևյալով է հիմնավորում: Նախ, նա գրում է, որ այդ մասին հայտնել է Ղասըմ բեկը: Նրա հուշերում կարդում ենք. «Մինչև մոտ ամիս մը՝ իր ներումը (թուրք կառավարության կողմից՝ Ա. Ն.) Գևորգի սպանության մասին ոչ մեկ բան կարտահայտեր Ղասըմ բեկը: Բայց հետո սկսավ տարաձայնել, թե Զավեն, Սեյդո և Զնդո իրեն ըսած են իրենց մեռած օրն իսկ, երբ միատեղ եղած են, թե Գևորգին մահացու հարվածը ուրիշ մարդե չէր կրնար գալ, եթե ոչ Ռուբենն: Ինքն ալ իր կարգին նույն եզրակացությունը հաստատող կասկած մըն էր ունեցած, նկատելով, որ Ռուբեն իրեն այ-

ցելովթյուններ չէր տար, ինչպես նախապես Գևորգին մահե վերջ<sup>55</sup>:

Եվ սա Սմատը գրում է Ղասըմին Սեյդոյի ու Ջնդոյի սպանության մեջ մեղադրելուց և այդ սպանությունը հետևյալով պատճառաբանելուց հետո. «Ըրավ այդ բանը (Ղասըմը –Ա. Ն.) կարողանար ըսել տալու համար, թե իրապես կապ չունի հայ «հրոսակներու» հետ և թե իրապես ուրեմն արժանի է ներման: Արարք մը պետք էր երևույթները փրկելու համար<sup>56</sup>:

Հարց է առաջանում՝ ինչպե՞ս կարելի էր համոզվել Ղասըմի ասածների ճշտության մեջ, երբ այլևս չկային նրա կողմից սպանված Ջավենը, Սեյդոն և Ջնդոն: Չէ որ Ղասըմը կարող էր այդ գրպարտությունը հորինել իր դավաճանությունն արդարացնելու համար: Հակառակ դեպքում ինչո՞ւ նա այդ լուրերը չէր տարածում մինչև վերջինիս սպանությունը: Իսկ ինչ վերաբերում է այն հարցին, թե ինչո՞ւ Ռուբենը Գևորգի սպանությունից հետո չի այցելել Ղասըմին, ապա մի՞թե հնարավոր էր դա այն դեպքում, երբ կառավարությունն ամենուրեք հետապնդում էր նրան և բացի այդ՝ չէ որ Ռուբենը Ղասըմին կասկածում էր մինչև Սուլուխի կոփվը: Այնուհետև, Սմբատը վերոհիշյալ վարկածը հետևյալով է հիմնավորում: Սահմանադրությունից հետո Տարոնում Դաշնակցության նոր ներկայացուցիչ Գարմենի (Մկրտիչ Մելքոնյան) նախաձեռնությամբ ընտրվում է կենտրոնական կոմիտե, որի մեջ մտնում էին սասունցի Մանուկը, Պուլեի Մճոն, Հաջի Հակոբը, Կարնենի Մկրտիչը, Շահրիկյանը, Արոն և Սմբատը: Կոմիտեն քննում է երեք հարց՝ Գևորգի սպանության, Մ. Բղեյանի զեղծարարության և հողային հարցերը: Հարցերը քննելուց հետո գումարվում է ընդհանուր ժողով: «Հուզումը մեծ էր պատգամավորներուն մեջ, – գրում է Սրմբատը, երբ կարգը եկավ Գևորգի սպանության պարագաներուն: – Հոն էր անոր դիակին մերկ լուսանկարը, որ ավելի կը նպաստեր բնականաբար տիրող հուզումը խորացնելու: Շըրջանային ժողովը նկատելով այս պարագան, որ կրնար ան-

55. Մ. Երիցանց, Սմբատի հուշերը, էջ 323

56. Նույն տեղը, էջ 322

համեմատորեն մեծ հոսանքներու հասնիլ, որոշեց հինգ հոգանոց հանձնախմբի մը կազմովից, որ առարկայորեն հավաքելով ամեն վկայություն, վերջնական արժեք ներկայացնող եզրակացության մը հանգի: Հանձնախումբը դիմեց այն ֆետայիներու վկայության, որոնք Գևորգի կողքին կոված էին վերջին անգամուն ու ծանոթ էին մանրամասնորեն ոչ միայն Գևորգին, այլև յուրաքանչյուր կովողին մարտական դիրքին՝ ընթացքին:

Դիմեց Ղասրմ բեկի և քյուրտերուն՝ Ավզուտ գյուղացի Մալխասի միջոցով ու հասավ այն եզրակացության, թե Գեվորգը մահացնող դավադիր ձեռքը Ռուբեն Տեր-Մինասյանն է: Այս որոշմամբ կը չքմեղանար նաև սուլուխցի Սամոն, որ կամբաստանվեր իբրև մեղսակից Գևորգը սպանողին: Հակահարվածը մեծ պիտի ըլլար ժողովականներու մեջ ի լուր սույն եզրակացության: Հանձնախումբը կանխատեսեց այս բանը ու բավականանալով միայն իր կազմին ավելացնելով Զավարյանը, տոքտ. Զավրիկը, Վարդան Վարդապետը, Պոլոյան Մկրտիչը, Սասունցի Մանուկը և զիս:

Խորհրդակցաբար ամենքը որոշեցին գաղտնի պահել Գեվորգի սպանության պարագաները՝ ժամանակի ընթացքին կարելի մոռացություն մը տալու համար»<sup>57</sup>:

Ինչն է անհամոզիչ այստեղ: Առաջին. Սմբատը չի նշում, թե Գևորգի մերկ մարմնի լուսանկարը ինչպիսի կոնկրետ հետք է ցույց տվել: Բայց, անշուշտ, նրա թիկունքին հետք է եղել, ինչը նպաստել է վերոհիշյալ վարկածի հիմնավորմանը: Մի բան պարզ է, որ հետաքննությունից առաջ լուրեր եղել են, որոնք ստիպել են գնալու դրան: Բայց այդ վերքը պարզապես այնտեղից դուրս եկած գնդակի հետևանք էր: Որ Գևորգ խփվել է կրծքից, այդ հաստատվում է ուրիշ փաստերով և, որոնց քիչ հետո կանդրադառնանք: Կարող է հարց առաջանալ՝ իսկ ինչո՞ւ քննող հանձնախումբը նման եզրահանգման չի եկել: Կարծում ենք հետևյալ պատճառով. Գևորգ Զաուշի դավադրաբար խփվելու լուրերը նրա թիկունքին եղած վերքի առկայության դեպքում հիմնավոր են թվացել (ընդգծումը մերն է՝ Ա. Ն.): Երկրորդ. Սմբատը դարձյալ փորձում

57. Նույն տեղը, էջ 325-326



*Նկ. 7. Իսո Կորյուն: Հրայրի հավատարիմ հետևորդն է: Դատապարտվել է 101 տարվա բանտարկության, սակայն փախել է*

է վարկածը հիմանվորել Ղասըմ բեկից վերցված տեղեկություններով, մի անձնավորություն, որը միշտ փորձել է դավել Գևորգին, և որին չի վստահել Ռուբենը: Երրորդ Գևորգի թիկունքից խփվելու վարկածը ուրիշ ոչ մի աղբյուրով չի հաստատվում: Մ. Բղեյանը, որի հարցը ըստ Սմբատի նույնպես քննել է նույն ժողովը, իր աշխատության մեջ բոլորովին չի հիշատակում Գևորգի նման սպանության մասին: Նա Սուլուխի կոչում նրա խփվելու մասին հետևյալն է գրում.



«Դժբախտաբար Գևորգ Չաուշը մահամերձ ըլլալու աստիճան ծանրօրեն կը վիրավորվի»<sup>58</sup>:

Չորրորդ. Սմբատը գրում է, որ որոշել են «գաղտնի պահել Գևորգի սպանության պարագաները՝ ժամանակի ընթացքին կարելի մոռացության մը տալու համար»: Սակայն, դրանից ոչ շատ առաջ գրել է, որ Ռուբենը Սուլուխի կովից հետո «... կը ծածկեր ինքզինքը և կը փախեր իբր եղբայրադավ սպանիչ՝ ժողովրդին ու մարտիկներուն մեղադրական զայրույթեն»<sup>59</sup>: Ստացվում է, որ ժողովուրդն այդ մասին տեղյակ էր: Էլ ինչո՞ւ և ումի՞ց էին որոշել գաղտնի պահել:

Եվ վերջապես, Սմբատի հետևյալ միամիտ նախադասությունը ոչ մի կասկած չի թողնում Գևորգի սպանության՝ նրա վարկածի անհիմն լինելու վերաբերյալ: «Ամեն ոք, հայ թե քյուրդ, գրում է նա, - տխրությամբ մը համակված մեծ հուզումով ու զարմանքով կը հարցնեին իրարու, թե ինչպե՞ս կրնար ըլլալ, որ նման հերոս մը սպանվի»<sup>60</sup>:

Պարզ է, որ Գևորգի՝ առասպելական այդ անձնավորության թշնամու գնդակից անխոցելի լինելու առասպելը մղում էր ընթացողներու, որ նա դավադրության զոհ էր:

Կ. Սասունին Գևորգի սպանության այս վարկածի վերաբերյալ տրամաբանական դիտողությունն է արել. «1908 թ. աշնան Կովկասեն Մուշ վերադառնող մարտիկներեն ոմանք լուրեր տարածեցին, թե Գևորգը սպանված է Ռուբենի գնդակով: Հնարած սոստ մըն էր, որ բերնե բերան հաճախ կրկնվեցավ: Հոս պարտք կզգամ հայտնիլ, թե գործին մեջ մնացող և հեղափոխական գործին մասնակից որևէ տարոնցի այս կարծիքը չի ունեցած: Անձամբ 1912-ին Սուլուխ գտնված եմ և Սուլուխի կովի մասնակից 30 ֆետայիներ խոսեցնել տված եմ, դիրքերն ու տեղերը ճշտած եմ: Այսպիսի կոփվ մը, որ մեկ վայրկյան գլուխ բարձրացնելու հնարավորություն չունեին կովողներ և իրենց կյանքը ամենեն ստույգ մահվան ենթակա էր, դավաճան հոգի ունեցողն իսկ պիտի

58. Սարգիս և Միսակ Բղեյաններ, Հարազատ պատմություն Տարոնո, Գահիրե, 1962, էջ 236

59. Զոր. Սմբատի հուշերը, էջ 321

60. Նույն տեղը

չկրնար այդպիսի քայլ մը անել: Հնարած սուտ մըն է, որ այսպանելով կը հերքենք»<sup>61</sup>:

Կ. Սասունու ճշմարտացիությունը կասկած չի հարուցում: Այդ հաստատվում է թե՛ Ռուբենի հուշերով և թե՛ մի նամակով, որի հեղինակն ամենայն հավանականությամբ նույն Ռուբենն է, և որը լույս է սփռում շատ կարևոր հարցերի վրա: Նամակի տակ տրված է «գինակից ընկեր, որը Սուլուփի կովի նկարագրությունը տալիս է այնպես, ինչպես Ռուբենն իր հուշերում»: Նամակի ընթերցումը համոզում է, որ նրա հեղինակը Ռուբենն է, և գրել է այն կովի թարմ տպավորության տակ: Նամակում նախ խոսվում է կովին նախորդող դեպքերի մասին. «Կառավարությունը շոտոնց թակարդ կը պատրաստեր, որ հանգուցյալ Գևորգ Չաուշին ծուղակը գցեր. նա մեզ առանձին-առանձին չէր մոտենար, այլ երկուսիս իրար հետ: Յրոնք գյուղում պետք է պատահեր այս դժբախտությունը, որի համար դիտավորյալ հավար արեցին, բայց որովհետև մենք բաժան էինք, զորք չեկավ, մյուս օրը մենք միացանք Սուլուփ գյուղում, դավադիրներն ունեին իրենց մարդը և այդ գյուղում, ուստի, վարպետությամբ լուր տվին և այնպես քողարկեցին, թե մեր բարեկամ տաճիկը գնաց մարնից (ըստ երևույթին պետք է լինի մատնեց- Ա. Ն.)<sup>62</sup>:

Այստեղից պարզ է, որ նախ՝ միանգամայն ճիշտ էր Ռուբենը, երբ ձգտում էր Գևորգի շոտափույթ Կովկաս անցնելուն, երկրորդ՝ նրանք իրոք առանձին-առանձին եղել են Յրոնքում և ապա անցել Սուլուփ, և երրորդ՝ կառավարությունը դիտավորյալ է լուր տարածել, թե Գևորգի բարեկամ թուրքն է մատնել նրանց: Ուստի սխալվում են բոլոր այն հեղինակները, որոնք գրում են, թե Գևորգն է ինչ-որ թուրքի միջոցով լուր տվել իրենց Սուլուփում գտնվելու մասին:

«Ժամը 8-ին զորքը հասավ գյուղը, - կարդում ենք այնուհետև, - և մենք նոր հասկացանք մեր պաշարվելը: Ընդամենը մենք 11 հոգի էինք զինվորով և մի քյուրտ բարեկամ

61. Պատմություն Տարոնի աշխարհի, պատմագրեց՝ Կ. Սասունի, Պեյրովթ 1956, էջ 701

62. «Կովկասի առավոեսո», N 21, 14 հոկտեմբերի, Թիֆլիս, 1907

Հըսե անունով: Հազիվ կար բոլորիս վրա 2400 փամփուշտ: Գևորգ Չաուշը նախ առաջարկեց կովելով հեռանալ լեռները, բայց Կոտավա զորքի պատճառով չհամաձայնվեցինք»<sup>63</sup>:

Այս փաստը, որը հաստատվում է Ռուբենի հուշերով, ցույց է տալիս, որ իրոք Գևորգը ձգտել է խուսափել կովից: Սրանով մեկ անգամ ևս հերքվում է, որ Գևորգն է լուր ուղարկել կառավարությունը: Եթե նա կոփվ էր ուզում, այդ դեպքում ինչո՞ւ էր փորձում խուսափել:

«Լուսահոգին ինքը որոշեց դիրքերը,– շարունակում է նամակագիրը,– կամուրջի վրա երեք հոգի, Քյուչուկի տանիքը–ինքը և 3-ը, նրա առաջի խապան ես և 3-ը, իսկ Ումետի տանիքը 1-ը և 3 գյուղացի, և երկու գյուղացի էլ պահեստ»<sup>64</sup>:

Այստեղից պարզ է, որ Ռուբենի դիրքը ավելի առաջ էր ընկած, քան Գևորգինը, ինչը և բացատրում էր նրա կողմից Գևորգին թիկունքից խփելու հնարավորությունը:

«Ժամը 8-ից 20 ըրպե անց,– գրում է Ռուբենը,– հրացանները պարպեցին Դուրան դաշտի վրա, ասկյարների քոմի մեջ 150 քայլ հեռավորությամբ: Կրակը թափվեց. հյուճում էր (հարձակում– Ա. Ն.): Քեոսե Բինբաշու առաջին հարձակումը, ըստ տաճկական տեղեկության, եղավ 500 հոգով, կը կրակեին ВЧ ЛИЧКИ և կրակի տակից կը գային առանց կրակելու: Գևորգ Չաուշ կամ ինչես ընկերներն անվանում էին Սարհատ և տղերքը կը գոռային: Սարհատ, ախ, Սարհատ, մոնչյունը կը կազդուրեր բոլորիս: Թըշնամին 5 վայրկյանից հասավ հրացանի փողի առջև, բոցն էլ կը հասներ նրանց: Դժվար էր, բայց չէին վախենար տղերքը: Մեր ուժերը կենտրոնացնելով՝ նրանց խաչաձև հյուճումը կանգնեցրինք ընդամենը 5–20 քայլ հեռավորությամբ: Կրակը պակասեցրին՝ նոր ուժով հարձակվելու համար: Ժամը 9-ին կուզեր 20 ըրպե, զարկին առյուծ Գալեին քունքից: Երկրորդ հյուճումն սկսվեց, 9-ին կուզեր 10 ըրպե զարկին «Ղոլ Գել», «Ղասաբե մերան», «Գևորգե կնե» Գևորգ Չաուշին՝ ծծի տակից: Վիրավոր առյուծը իրեն կը գցե տանիքից և նրա տեղ տեսանք բռնված է ասկյարներով»<sup>65</sup>:

63. Նույն տեղը

64. Նույն տեղը

65. Նույն տեղը

Այսքանից հետևում է. առաջին, կոփվն իրոք այնքան կատաղի բնույթ է կրել և Ռուբենի դիրքին թշնամին այնքան է մոտեցել, որ նրանք հնարավորություն չէին կարող ունենալ մեկ վայրկյան իսկ դադար առնելու կամ ուրիշ ուղղությամբ կրակելու: Երկրորդ. Գալեն խփվել է կոփվը սկսելուց (8 անց 20 րոպե) ընդամենը 20 րոպե անց (8 անց 40-ին), իսկ Գևորգը՝ կրծքից կես ժամ անց (8 անց 50-ին)՝ Գալեի խրփվելուց 10 րոպե անց: Վիրավորելուց անմիջապես հետո նա տանիքից իջնում է:

Նամակի շարունակությունից պարզ է դառնում, որ Բինբաշին խփվել է Գալեի և Գևորգի խփվելուց հետո, մի հանգամանք, որով ժխտվում է Սմբատի այն տեղեկությունը, ըստ որի Գևորգը տեսել է, թե ինչպես է խփվել Բինբաշին: Բինբաշու խփվելու ժամանակ Գևորգն իջել էր տանիքից: Ահա նամակի շարունակությունը. «Կոփվն ավելի տաքացավ. սկսվեց տասնոցների կոփվ. ճակատ առ ճակատ կիչնային շատ դիակներ. Սարհատի տանիքի վրա խուրճ-խուրճ էին փռված թշնամիք, զորքը վախեցել էր, զինվորական փողերը հյուճում կը փչեին, բայց լսող չկար: Ժամը 9-ին հասավ Կուրավու զորքը՝ 120 հոգի, բայց կամուրջը փակել էին չըսեն, չովո և մի գյուղացի: Զիավորներն եկան Առինջվանքու և Նորշենա, քրտերն եկան լեռներից, նոր զորք եկավ Մշուց. կը թանձրանար ու կը թանձրանար, և բոռիներ կը փչեին հյուճում, զորքը վախեցել էր. Քեոսեն առաջն ընկել էր և տանիքներից սուրը մեզ ցույց կտար. տղայքը համազարկ տվին և նա ընկավ վիրավոր մի քանիսի հետ, նորից, երբ բարձրացավ՝ նա և մի տեսակ շոր հագած միլազըմ իրար հետ մնացին տանիքի վրա մեր կրակներից. թշնամին կոտրվեց, սկսեցին փախչել, միայն երկու տանիք իրենց ձեռքը մնաց. տղերքը նոր հույս առան, սկսվեց սալավաթ նորից և տաղերն ու խաղերը մեր կողմից, հուսահատ ուրախություն...»<sup>66</sup>:

Այսպիսով հետ է մղվում նաև թշնամու երկրորդ գրոհը, որի ընթացքում զոհվում է Քեոսե Բինբաշին: Հաստատվում է Ռուբենի հուշերի այս տեղեկությունը, ըստ որի Բինբաշին ընկել է ընդհանուր համազարկից: Երկրորդ գրոհին հաջորդած

66. Նույն տեղը

նահանջից հետո թշնամին կանգ է առնում 50 քայլի վրա՝ խանդակներում: Այնուհետև, կրկին հարձակվում է և կոիվը շարունակվում է մինչև երեկո: «Երեկոյան սկսվեց հարձակում մեր կողմից Սարհատի դիրքի վրա, - կարդում ենք նամակում, - որի տակ էր պաշտելի վիրավորը և Գալեի դիակը: Մեզ հաջողվեց քշել տանիքից (թշնամուն - Ա. Ն.) և հանել վիրավորներին, ձիաներ պատրաստել էին, դրեցինք մի ձիու վրա, բայց ձին տակը զարկվեց և ընկավ, դրինք մյուսի վրա և գյուղն ամբողջ դատարկելով շնչավորներից, սկսեցինք հեռանալ զինվորական կարգապահովյալմբ (ավանգառթով, միջինով և ասինագառթով): Թշնամին մեզ կը զարներ մթով, բայց մենք կը հեռանայինք առանց կրակելու: Սարհատը դեռ հոգով էր, նա կը շարչարվեր մահվան ճիրանների մեջ, կը գոռար ու կաղաչեր սպանել իրեն, մենք չէինք լսեր և կը փախցնեինք նրա թանկագին դիակը շալակով. ձին այլևս չկար. թշնամին կը հետևեր: Սարհատ կը հասկնար այդ, նրա վերջին աղաչանքն եղավ, տար և խումբն ազատիր, իմ պատճառով միք կոտորվի, նրան քիչ էլ տանելով դրինք մի հերկի մեջ, ծածկեցինք կանաչներով և երեք մարդ դրինք պահապան և հեռացանք, որ դագաղ ուղարկելով տանինք Ղաշղալթաղ»<sup>67</sup>:

Այս բոլորը նույնովյալմբ, բայց ավելի մանրամասնորեն նկարագրված է Ռուբենի հուշերում: Ուրեմն, մենք ոչ մի հիմք չունենք նրան մեղադրելու դեպքերը խեղաթյուրելու մեջ: Սոսկ զարմանլի է, որ նամակում նա գրում է ոչ թե տկեր, այլ դագաղ ուղարկելու մասին: Հարց է առաջանում՝ ինչո՞ւ: Կարծում ենք, որ հետևյալ պատճառներով: Գևորգին թողնելով խոտերի մեջ և գնալով դագաղ ուղարկելու, Ռուբենն ու ընկերները, անշուշտ, մտածել են, որ այդ ընթացքում նա կմահանա: Սակայն, փաստ է, որ Գևորգը մահացել է հաջորդ օրը՝ արշալույսին: Ուստի, մենք համոզված ենք, որ Ռուբենը իր հուշերում գրել է, որ գնացել են ոչ թե դագաղ, այլ տկեր ուղարկելու, քանի որ Գևորգի մինչև հաջորդ առավոտ կենդանի եղած լինելու փաստը հիմքեր կտար իրեն մեղադրելու նրան լքելու մեջ: Մյուս կողմից չպետք է մոռանալ,

67. Նույն տեղը

որ թշնամու հետապնդման պայմաններում Ռուբենն ու ընկերները չզփտեն, թե որն է ավելի ճիշտ Գևորգի ապահովության համար՝ նրան եղեգնուտում թողնել, թե՞ իրենց հետ տանել: Չէ որ նետվելով գետը, նրանք չզփտեին՝ փրկվելու են թե ոչ: Այնուհետև, նամակում կարդում ենք. «5,5-ին հազիվ հասանք այդ գյուղը և հանեցինք մարդիկ, բայց մեր հետևից զորքը 6,5-ին այդ տեղը կը շրջապատե թնդանոթներով: Մենք արդեն հեռացել էինք, կը բռնեն դաշտից մեր դրած երեք պահապաններին, որոնցից մեկը կը մատնե և ցույց կտա Գևորգին, որին կը գտնեն անշնչացած ու դիակն առնելով կը տանին Մուշ և կը թաղեն Գուրգենի կողքին»<sup>68</sup>:

Հեղինակն այստեղ դժբախտաբար չի նշում, թե երբ են գտել Գևորգին, բայց նրա վերջին ըոպենների մասին ահա, թե ինչ է գրում դաշղավթաղցի Հ. Տեր-Խաչատրյանը: «Մեր գյուղի դաշտային պահակ քյուր Ալոն (մեր գյուղի Իբրահիմ բեկի տղան) մեր գյուղեն դեպի Սուլուխ շամբի և ճնոցի եզերքեն անցած պահուն տքոցի ձայն մը կառնե: Կը մոտենա և դժվար կը գտնե ձայնին տեղը: Կը տեսնե, որ Գևորգ Չաուշն է, Գևորգ ջուր կը խնդրե, քյուրտ Ալոն, որ իրեն լավ ծանոթ էր, կը դժկամի տալ, որովհետև վիրավորին ջուր տալ լավ չէ: Գևորգ կը պնդե: Գևորգ կառաջարկե, որ իր գլխարկի մեջ ջուր առնելով բերե իրեն: Այդ ձևով Գևորգ իր ծարավը կը հագեցնե ու կը մահանա»<sup>69</sup>:

Մի բան կասկածից վեր է, որ Գևորգի պահապանները լքել են նրան: Նրանք այդ արել են ավելի շատ վախից դրդված, քան թե դիտավորությամբ: Միգուցե նրանք համոզված են եղել, որ Գևորգի մահն անխուսափելի է: Այնուամենայնիվ այս արարքը ոչնչով չի արդարացվում:

Ամփոփենք. Սուլուխի կռվում Ռուբենի կողմից Գևորգի սպանության վարկածի ծագման հիմնական պատճառները հետևյալն են.

Առաջին. Գևորգ Չաուշին Կովկաս հեռացնելու Ռուբենի ջանքերը, որոնք բխում էին ժամանակի պահանջից և հայ ազգային-ազատագրական պայքարի կազմակերպման խըն-

68. Նույն տեղը

69. «Սփյուռք», N 13, 4 ապրիլի 1971

դիրներին Հ. Հ. Դաշնակցության ունեցած նոր մոտեցումներից:

Երկրորդ. Գևորգ Չաուշի թիկունքի վերքի առկայութիւնը, որն իրականում այնտեղից դուրս կեած գնդակի հետևանք էր:

Երրորդ. Ռուբենի հայրուկային շարժումները Տարոնում բացառելու և հայրուկներին այնտեղից հեռացնելու քաղաքականութիւնը, որն էլ ավելի որոշակիացավ Սուլուխի կովից հետո:

Իսկ ինչո՞ւ հնարավոր չէր, որ Ռուբենը խփած լիներ նրան: Հետևյալ պատճառներով.

Առաջին. Ռուբենն առնվազն իր իսկ մահը տենչացող պետք է լիներ, խփելով Գևորգին, որովհետև վերջինիս դիրքի գրավումով թշնամին անցնելու էր իրենց թիկունքը, որի դեպքում մահն անխուսափելի էր: Գալեի և Գևորգի խփվելուց հետո այդպես էլ եղավ, և միայն Էլոն կարողացավ Ռուբենի հրամանով փրկել դրութիւնը:

Երկրորդ. Գևորգի մահվանը ձգտող Ռուբենը բոլոր հիմքերն ուներ նրան Սուլուխում թողնելու և ոչ մեկը նրան չէր կարող մեղադրել դրանում, բայց նա հրամայեց մահվան գնով իրենց հետ վերցնել Գևորգին:

Սուլուխի կռիվը ճգնաժամ ապրող հայրուկային շարժման վերջին դրվագն էր: Գևորգ Չաուշի մահով փաստորեն ավարտվում էր անկրկնելիորեն հերոսական, բայց սակավարդյունք այդ շարժումը:

ՎԵՐՋ







**Ներսիսյան Ա. Ա.**

**Գևորգ Չաուշի սպանության առեղծվածը: Եր.: Հայաստան,  
1992.- 51 էջ**

**Հեղինակը՝ պատմաբան Աշոտ Ներսիսյանը, իր «Գևորգ Չաուշի սպանության առեղծվածը» գրքում գիտականորեն և սեղմ ոճով ընթերցողին է ներկայացրել հայդուկյան շարժումը՝ 1904-1907 թվականներին. սա այդ շարժման վերջին փուլն է: Շարժման գլխավոր դեմքի՝ Գևորգ Չաուշի մղած մի քանի մարտերը թուուցիկ նկարագրելուց հետո, հեղինակը ավելի մանրամասն ընթերցողին է ներկայացնում Սուլուխի կոփվը: Գևորգ Չաուշը զոհվում է այդ կոփում: Սկիզբ են առնում տարբեր լուրեր նրա մահվան շուրջ: Հեղինակը բարձրացնում է այդ բոլոր կարծիքները և գիտականորեն բացատրում դրանց սխալականությունը:**

**Ընթերցվում է մեծ հետաքրքրությամբ:**



**ՀՀԴ Հանրային Կապերի Գրասենյակ  
2021**

# ՀԱՎԵԼՎԱԾ

- 1- Գեորգ Չաւուշի նամակը Արեւելեան Բիւրոյին
- 2- Գեորգ Չաւուշի նամակը Անդրանիկին եւ Սուրառին
- 3- Արամ Մանուկեանի գրութիւնը Խորհուրդին
- 4- Մարալի բողոք-նամակը Խորհուրդին
- 5- Ռուբէնի նամակը Ռոստոմին եւ Ակնունիին
- 6- Գ. Չաւուշի առթիւ. (Ռուբէնին, Սասուն)



Արեւելեան Բիւրոյին,

Նոյեմբեր ամսոյ 4ին ընկեր մըն ալ հետս եկայ Բիւրակն եւ պիտի գայի արտասահման, հասնէի [Ընդ]հանուր Ժողովին, բայց ձիւնի բութի պատճառաւ արգիլուեցայ 15 օր Բիւրակն. եւ օր մըն ալ քուրդ վալատի հետը միասին մեկնուեցանք որ պիտի գայինք. եւ հասանք մինչեւ Կոպէի Պարագան (?). այստեղ սկսեց ձիւն գալ, սաստիկ քամի եւ բութ. ճար չգտնելով ետ վերադարձանք. բայց խեղդուելէն ահզիւ հազ ազատուանք. անկէ զկնի աշխատեցայ Բարձրաբերդի<sup>1</sup> գծով գալ ծպտեալ, սակայն ոչ ոք յանձն չառաւ զիս տանելու. եւ ինչպէս ալ Բիւրակնի<sup>2</sup> ընկերներ գրած են, ճարահատ մնալով ետ վերադարձայ դէպի Դուրանում, շատ ցաւալով, որ բաղդ չունեցայ գալ եւ ներկայանալ ձեր ազնիւ Ժողովին: Սակայն խնդրում եմ որ զմեզ այստեղ մտահան չանէք. արդէն գրած ենք զբոլոր Երկրի անց ու դարձը եւ Երկիր ինչ պահանջելը. նաեւ շատ մը գաւառների տեղեկագրները որ ստանում էք, կարդալով պիտի հասկանաք զմանրամասնութիւնը:

Գալով Ժողովի առթիւ երբ ես չկարողացայ գալ, ես այստեղէն տալիս եմ ձայն Պարոյրին եւ Մուրատին, որ նրանք լաւ ծանօթ են Երկրի դիրք եւ դրութեան. եւ արդէն մենք պարզած ենք զամէն մի հարցը Երկրի գործունէութեան մասին:

Իմ վկայական էլ զրկեցի. եւ իմ որոշուած անձերը որ որոշած եմ եւ ձայնս նրանց տուած եմ. լի յուսով եմ՝ պիտի ընդունէք, եւ զմեզ պիտի ճանչնաք իբրեւ ընկեր, եւ ապստամբավայրը՝ տեղը:

Համբոյրներով՝  
ՍԱՐՃԱՏ

1.Կարնոյ

2.Նամակի ձեռագրով, այս տեղանունը կարելի է կարդալ Բերակ, Բիրոկ են.: Պէտք է ըլլայ Բիւրակն (Պինկէօլ), ինչպէս կը հետեցուի ի մասնաւոր Տատրակի (Մշոյ Գեղամի) նամակէն:



Սիրելի Պարոյր<sup>1</sup> եւ Մուրատ,

Ես որոշուեցայ որ պիտի գայի արտասահման ու ներկայանայի [Ընդհ]հանուր Ժողովին, սակայն բաղդը չօգնեց որ գայի եւ ներկայանայի այն ազնիւ Ժողովին, եւ տեսնուէի ձեր սիրելութեան ու շատ մը ընկեր[ների], այն պատճառաւ որ ձիւնի բութի արգելքներ չթողին ու գայի եւ հասնէի: Ինչպէս օր մը օրերէն քիւրտ վալատի մը հետ մեկնուեցայ որ գայի. Հասանք մինչեւ Կուլէի Պորագան<sup>2</sup>. Հոն սկսեց սաստիկ ձիւն, եւ բութի բռնուելով ետ վերադարձանք: Մենք 7 ձիւտրով, ճարահատ մնալով վերադարձանք կրկին Դուրանում<sup>3</sup>, շատ մը ...երով (?):

Ընկերներ, Ժողովին համար՝ երբ որ ես բաղդ չունեցայ գալ եւ ներկայանալ այն ազնիւ Ժողովին, բայց ձայնս տուի ձեզի որ ներկայանաք Ժողովին եւ մեր կողմանէն խօսիք եւ ծանուցումներ տաք Երկրի մասին, ինչպէս ալ որ գրած եմ Արեւելեան Բիւրոյին, որ դուք պէտք է ներկայանաք Ժողովին եւ խօսիք մեր ու երկրի մասին, թէ Երկիր ինչ է պահանջում. բայց չուրանաք (?) զձեր Աստուած եւ զէդ Երկիրը ինչպէս ուրացել էք մինչեւ ցարդ. թէ ինչպէս Բարձրաանդակ<sup>4</sup> ու Տարօն, որ ամենէն աշխատող ու գործ տեսնող եւ շատ մը զոհեր տուող [շրջանն է], նրա տրամադրութեան ներքոյ ոչ մի դրամ չկայ, իսկ Շամի<sup>5</sup> տրամադրութեան ներքոյ կայ 80000 ոսկի, նաեւ կայ 100000ից աւել ծայրեր. իսկ մերը՝ ոչինչ. ո՞ւմ երեսէն, ձեզի պէս ընկերների երեսէն որ թողեցիք զմեզ եւ զԵրկիր Աստծու կրակի մէջ ու գնացիք<sup>6</sup>, ոչ դրամ ոչ էլ ռազմամթերք զրկեցիք, զմեզ եւ զձեր ժողովուրդը թողեցիք ձեզ անիծող: Ինչ որ է, այն անցաւ. բայց այսուհետեւ կ'աշխատէք որ դուք ալ եւ մենք մարդ լինենք, Երկրով միասին:

Եղբայրք ճան, խնդրեմ լաւ աշխատէք որ օգուտ մը հասցնէք այստեղի ժողովրդեան եւ գործին, որ ազատուէք նրանց մեղքէն:

Համբոյրներով՝  
ՍԱՐ ԶԱՏ

1.Անդրանիկի կուսակցական ծածկանունը

2.Կրնայ ըլլալ նաեւ Կալէ Պարագան կամ Կալէի Պարագին

3.Տարօնի շրջանը

4.Սասուն

5.Վասպուրական

6.Վակնարկէ Անդրանիկի, Մուրատի եւ միա հայդուկապետներու արտասահման մեկնումին, Սասնոյ ապստամբութենէն ետք:

«Նիւթեր Հ. Յ. Դաշնակցութեան Պատմութեան Համար», Դ. հատոր (4-րդ), էջ 9-11



## Ընկերներ!

Վերջերս պատահական կերպով անցաւ Մշոյ դաշտ. ցաւօք սրտի լսեցինք մի շատ վրդովեցուցիչ լուր, որ պատիւ չի բերում ո՛չ միայն յեղափոխական ընկերներին այլ եւ սովորական քաղաքացիներին: Խնդիրը այս է. մեր նահատակ ընկեր Գէորգ Չաւուշի սպանուելու ցաւատանջ իրողութիւնը ձգտում կայ վերագրելու մեր շարքերին կամ այս-ան ընկերոջ: Հասկանլի է որ սա կարող է տխուր գործողութիւնների դռներ բանալ եթէ մի հեղինակատոր մարմին իրողութիւնները քննելով չասէ իր վերջին խօսքը:

Զգիտեմ այդ լուրը ումից կամ ինչպէ՞ս է տարածուել մեր շրջաններում. բայց ընկերներ՝ Մուրադ, Սեպուհ, Աւետիս, Առաքել եւ ուրիշ շատերը բաժանելով կամ հաւատ ընծայելով այդ լուրերին սկսել են քննութիւններ կատարել, վկաների կանչել եւ որոշ ռապորտ կ'ուզեն կազմած այդ խնդրի շուրջը:

Ինչպէս ես հասկացայ մեր ճանապարհորդութեան մէջ ընկեր Մուրադից, խնդիրը առանձնապէս դառնում է այդ շրջանում եղած մեր գործիչ ընկերներից Ռուբէնի եւ Փիլոսի՝ շուրջը:

Իբր թէ այդ երկուսի անձնական թշնամութիւնը դէպի Գէորգ Չաւուշը նրանց տարել է [այն] աստիճանին, որ նրանք ժողովրդի եւ մեր զինուորների մէջ այնքան ատելութիւն են ստեղծել, որ բնականօրէն կարող է ուրիշ անգամ կամ հէնց վերջին Սուլուփի կոտորածի ժամանակ Գէորգի կոնակէն ստացած վէրքը լինել մեր ընկերների կողմից:

Որ իբր թէ նման փորձեր եղել [են] եւ ուրիշ անգամ բայց անյաջող է անցել. օրինակ Մուրադը պատմում է որ Խնոտում՝ Առնոս գիւղում կազմակերպութեան զէնքերով տեղական ընկերները զինուել են դիմադրելու Գէորգին եթէ նա փորձ անէր այնտեղի դաւաճաններից մէկին գիւղի մէջ զարկել. իբր թէ այդ կատարուել է առնուազը Փիլոսի լուռ համաձայնութեամբ...

Զեմ ուզում երկարացնել. չեմ էլ ուզում իմ կողմից ռեւէ բան աւելացնել այդ իրողութիւնների մասին. թէեւ ինձ համար շատ բաներ պարզուեց իմ հոն լինելու հետեւանքով. դա դատական գործի հետեւանքը կը պարզէ ամէն ինչ:

Այս խնդիրը ինձ համար շահեկան է այն տեսակետից, որ այդ կողմերում եւ մեր ընկերական շատ շրջաններում վերոյիշեալ ընկերներ (Մուրադ եւ ընկ.) այդ ուղղութեամբ խօսում են եւ թէ իրենք ու թէ լսողները բաականաչափ, եթէ չասեմ ամբողջապէս հաւատում են պատմուած լուրերին:

Ուրեմն ի պատիւ մեր ընկած ընկերոջ յիշատակին եւ ի փրկութիւն մեր ներկայ ապրող գործիչ ընկերների վարկին, խնդրում եմ միջամտել, այս առթիւ մի վերջնական եզրակացութեան գալու:

Անշուշտ ցաւալի է որ հակառակ Ընդ. Ժող[ովի] որոշման դուք նորէն ստիպուած էք միջամտելու դատական գործերի. բայց իրողութիւնների հետ պիտի հաշտուենք:

Ես անպայման կողմնակից չեմ մեծ աղմկարար դատերի եւ վիճաբանութիւնների այս խնդիրների շուրջը. բայց քանի որ երկու կողմի մարդիկն էլ ներկայ են, ուստի լաւ կը լինէր գէթ բացատրութիւններ առնելով փակել այդ հարցը:

Այլապէս մեր անձնական սենպատիաներով ու անտիպատիաներով պէտք է առաջ բերենք մեր շարքերում ու ժողովրդի մէջ մի պրատկացիոն վիճակ, որը կը ծնէ ինչպէս վերեւ ասացի շատ ցաւալի դէպքեր...

Ընդունեցէք սիրելի ընկերներ իմ ջերմ ողջույթները ձեր դժուարին աշխատանքների եւ տանջանքների համար:

Ընկերական բարեւաներով



Ա.Ա.Ա.

1909 թ. Սեպտ. 3  
Կ. Պոլիս

1. Մուրադը Սեբաստացի Մուրատն է, Ռուբէնը՝ Տէր Մինասեան, իսկ Փիլոսը (այլապէս նաեւ Մարալ, Հրաչեայ Մարալ) իսկական անունն է Փափախեան Փիլոս

«Նիւթեր Հ. Յ. Դաշնակցութեան Պատմութեան Համար», Է. հատոր (7-րդ), էջ 114

### Հ. Յ. Դաշ[նակցութեան] Խորհուրդին

#### Ընկերներ!

Վերջին ժամանակներս ընկերների շրջանում լսում է մի խոսք շուրջ, մասնաւորապէս իմ եւ Ռուբէն Տարոնացու շուրջը, վերագրելով մեզ մի դեր՝ մի դաւադրութիւն, որը վերջերս հասաւ արդէն մինչեւ Խորհուրդին:

Վասպուրականի ընկերներից Արամը, յատուկ մի բողոքագրով դիմել էր Ձեզ արդէն Խորհուրդի միջոցաւ, քննելու յիշեալ խնդիրը եւ ճշմարտութիւնը հրապարակ հանելու համար: Չգիտեմ սակայն ինչ պատճառներով մեր մասին գրուած այդ գրութիւնը մի կողմ է դրուել, առանց քննելու գրուածքի իմաստը:

Մեզ վերագրուած դաւադրութեան մասին, այն է՝ հանգուցեալ Գէորգ Չաուշի անձի դէմ, ոչ թէ միայն հասարակութեան մէջ է խօսւում, այլ խօսւում, եւ նոյնիսկ քննութիւններ է բացւում մեր ընկերական շրջանակում, ընկեր Մուրատի կողմից, որը ինչպէս երեւում է խօսուածների ճշմարտութեան մասին կատարելահ համոզմունք գոյացնելոց յետոյ, ինքնակոչ կերպով ստանձնել է նաեւ դատաւորի պաշտօն, որի ապացոյցն է Խնուում իր կատարած քննութիւնները իմ վերաբերմամբ:

Ես իմ ամբողջ էութեամբ բողոքում եմ ընկեր Մուրատի այս վարմունքի դէմ եւ խնդրում եմ որ Խորհուրդը զբաղուի այս խնդրով, քննի եւ ճշմարտութիւնը հրապարակ հանի, որովհետեւ երբ ընկերներն են այսպիսի մի դաւադրութեան մասին համոզմունք կազմել եւ դեռ քննութիւններ էլ կատարել, հասկանալի է թէ հասարակութիւնը ինչպիսի վերաբերմունք ցոյց կը տայ:

Զմոռանամ ասել որ իմ դէմ մասնաւորապէս այս խնդր համար Կարնոյ ընկերներից մէկին Փետր. ամսին գրուած էր մի նամակ, Խնուաից, վերագրելով ինձ դարձեալ նոյն դաւադրութիւնը, որի մասին ես նոյն ժամանակներին յայտնել եմ նոյն տեղի ընկերներին, բայց որոնք էլ ոչ [մի] ուշադրութիւն չեն դարձրել:

Համոզուած լինելով որ այս խնդիրը մնալով այս դրութեան մէջ,

գնալով պիտի համոզմունք դառնայ միամիտ հասարակութեան մէջ, երբ մանաւանդ յեղափոխական ընկերներն են նոր զարկ տալիս նրան, եւ չուզենալով երբեք որ ընկերասպան անունը – ժողովրդի կողմից թէկուզ – գրուած լինի իմ ճակտին, եւ բողոքում եմ այս տարաայնութիւնների դէմ, եւ խնդրում եմ որ ճշմարտութիւնը Խորհուրդիդ միջոցաւ հրապարակուի գոնէ Մշոյ դաշտի եւ այլ տեղերի ընկերներին ու հասարակութեան:

Ես յոյս ունիմ որ Խորհուրդիդ քննութեան ժամանակ կը պարզուի ամէն ինչ, ինչպէս նաեւ մեր վերաբերմունքը դէպի հանգուցեալ Չաուշը:

Յարգանք



ՄԱՐԱԼ

24 Սեպտ. 909  
Պոլիս

## Սիրելի Ռոստոմ, Ակնունի,

Ձեզ յայտնի է, որ Գէորգ Չաուշի սպանութեան մասին մի գործ կայ Խորհրդում, որ անտես առնելը անհնար է եւ վնասակար. ես իմ կողմից հարկ չհամարեցի պաշտօնապէս այդ խնդիրը իմ կողմից յարուցանել, քանի որ առանց այն էլ խնդիրը յարուցուած էր ամսնաւոր ընկերների կողմից եւ մանաւանդ եղել են ընկերներ, որոնք իրականութեան մէջ կարետրութիւն են տուած այդ խնդրին, եւ որոշ քննութիւններ են կատարած եւ եկած որոշ եզրակացութեան, որի մասին բացի լուրերից պաշտօնապէս տեղեկութիւն չունիմ: Ընկեր Ռոստոմը մինչեւ վերջին օրը կանգնած էր այն տեսակէտի վրայ, որ այդ խնդիրը կարելի է փակել իմ եւ Մուրատի բացատրութեամբ: Թիւրիմացութիւնները պարզելու համար այդ եղանակը գուցէ ամենամաքուր եւ ամենայեղափոխական ճանապարհն է, բայց ի նկատի առնելու է մի հանգամանք, որ Դուրանից<sup>1</sup> իմ բացակայութեան ժամանակ այդպէս չեն վարուել ընկերները ինձ հետ եւ ինչպէս հասկացած եմ Տատրակից եւ Արամից<sup>2</sup> եւ ուրիշներից, նրանք «պաշտօնական» քննութիւն են կատարել այդ մասին եւ ունեն որոշ եզրակացութիւններ, որ ինձ անյայտ են. խնդիրը այդ աստիճանի հասնելուց յետոյ, կարծում եմ իմ կողմից միամտութիւն կը լինէր առկախ թողնել այդ հարցը եւ նախանձախնդիր չլինել իմ եւ նրանց պատուի հանդէպ, որոնք մեղադրուել են իբրեւ ընկերասպաններ: Եւ ձեզնից խնդրում եմ, ոչ թէ միայն յանուն Գէորգի յիշատակի արտատրուելու եւ յանուն մեր պատուի, այլեւ այն ցաւոտ երեւոյթի, որ վերջերս կազմակերպութեան մէջ սովորում են բամբասանքով վարկաբեկել, տապալել ընկերների, չգիտեմ յանուն ինչի՞:

Սիրելի Ռոստոմ, եթէ դուք կարողանայիք հաւատացնել, որ այդ խնդրով ընկերները զբաղուել են, որովհետեւ իսկապէս պարտաւոր էին, եւ ոչ թէ ընկերները իրանք ցանկացել են խնդիրներ, նոր եւ նոր հարցեր ստեղծել եւ այդ փոքրիկ ինտրիկներով վարկաբեկել ընկերներին, ես համամիտ կը լինէի ձեզ հետ: Ես այլ կերպ եմ հաւատացած, եւ դրա համար խնդրում եմ Խորհրդի մէջ եղած խնդիրը անտես չառնել եւ ձեր վրայ վստահանալով կը պահանջեմ անաչառ քննութիւն.

I- Թէ ինչպէ՞ս է սպանուել Գէորգ Չաուշ

II- Ո՞վ եւ որտեղի՞ց է այդ ընկերներից ,սպանմանն լուրը առաջ բերել (եթէ իրօք Գ. Չ. թշնամուց է սպանուած):

Առաջին հարցի մասին ես իմ բացատրովիւնը տուած եմ մանրամասն կերպով 907 Յունիս, Ա[րեւելեան] Բ[ուրոյին] գրած նամակովս, ուրիշ բան չունիմ անելացնելու: Երկրորդ հարցի մասին ես ունիմ իմ որոշ հաւատը, բայց անելորդ եմ հաշտամ գրելը, անելի լաւ է կը սպասեմ ձեր քննովիւններին, որից յետոյ արդէն պիտի կարողանամ սրանից յետոյ կամ վստահանալ մտնել յեղափոխական գործիչ մէջ եւ կամ հեռանալ, այդպիսի սոսկալի վարկաբեկումներից խուսափելու համար:-

Կարծում եմ, որ դուք պէտք է մտնէք իմ դրովիւթեան մէջ եւ եւ քննովիւթեան նիւթ պիտի դարձնէք այդ խնդիրը:

1909 թ. 16 Հոկտ.  
Բեռն

Բարեաներով



ՌՌՌԲԷՆ

1. Տարօնից
2. Տատրակը՝ Գեղամ Տէր Կարապետեանն է, Արամը՝ Մանուկեան



ԱՐԵՄՏԵԱՆ ԲԻՒՐՕ

ՀԱՅ ՅԵՂԵՓՈՒԱԿԱՆ ԳԱՅՆԱԿՑՈՒԹԻՒՆ

1890

FÉDÉRATION RÉVOLUTIONNAIRE ARMÉNIENNE

DASCHNAKTZOUTIOUN

190

ԳԵՆԵՎԷ - GENÈVE

№ [redacted]

Գ. Չաուշի անուն

Գործուհու մասին առեկտը Չաուշու հաստատելու  
խնդրանքը կատարված է 1909 թ. 27-ին Մշույ Կ. Կ.-ին պաշտօնական  
ազդով հերքել այդ անհիմն լուրերը Գ. Չաուշի սպանության իբր թէ  
«մասնակից» մեր ընկերների մասին:

Արարատի Կ. Կ.



Խորհուրդը նկատի առնելով դրական փաստերի կատարեալ  
բացակայութիւնը՝ հրահանգում է Մշույ Կ. Կ.-ին պաշտօնական  
ազդով հերքել այդ անհիմն լուրերը Գ. Չաուշի սպանության իբր թէ  
«մասնակից» մեր ընկերների մասին:

Ստորագրութիւններ

[Ստացուած 1909 թ. 27-ին Դեկտ.ի]

«Նիւթեր Հ. Յ. Դաշնակցութեան Պատմութեան Համար», Է. հատոր (7-րդ), էջ 117







[www.arfd.am/lib](http://www.arfd.am/lib)

Էլեկտրոնային այս հրապարակման գրաշարությունը, էջադրումն ու ձևավորումը կատարեց ՍԵՒԱԿ ԱՐՈՅԵԱՆ:





ՀՀԴ Հանրային Կապերի Գրասենյակ  
2021